

東平州志卷之

東平州知州三韓

張聰重編

儒學署學正舉人古棠蕭鵬程校閱

原任登州府教授郡人單民功纂輯

藝文

夫載道宣化非文章無以闡其微致遠鉤深非前賢何以發其蘊窮搜往牒昭茲來許誠尚論者之不可缺也東平密邇鄒魯浸淫聖化文獻殆有足徵者焉是故采厥精華芟其繁蕪作藝文志至於近代論譔有關於本郡者附著於篇

東平州志

卷之五

藝文

一

御製

順治捌年辛卯肆月初七日

皇帝謹遣都察院右副都御史仍管左侍郎事劉昌致祭於

帝堯陶唐氏曰自古

帝王受

天明命繼道統而新治統聖賢代起先後一揆功德載籍炳如日星朕誕膺

天眷紹纘丕基景慕前徽圖追芳躅明禋大典宜肇隆脩敬遣耑官代將牲帛爰脩殷薦之誠用展儀

型之志伏惟

格歆尚其

鑒饗

康熙柒年戊申肆月巳巳朔越拾貳日

皇帝謹遣光祿寺正卿加一級楊永寧致祭於

帝堯陶唐氏曰自古歷代

帝王繼

天立極功德並隆治統道統昭垂奕世朕受

天眷命紹纘丕基庶政方新前徽是景明禋大典亟

宜肇脩敬遣耑官代將牲帛爰昭殷薦之忱聿備

東平州志

卷之五

藝文

一一

欽崇之禮伏惟

格歆尚其

鑒饗

漢元帝勅諭東平王手詔

皇帝問東平王蓋聞親親之恩莫重於孝尊尊之義莫大於忠故諸侯在位不驕以致孝道制節謹度以翼天子然後富貴不離於身而社稷可保今聞王自脩有闕本朝不和流言紛紛謗自內興朕甚惜焉爲王懼之詩不云乎無念爾祖聿脩厥德永言配命自求多 朕惟 之春秋方剛忽於道德意有所移忠

言未納故臨遣大中大夫子驥諭王朕意孔子曰過而不改是謂過矣王其深維熟思之無違朕意

元帝賜東平王改過詔

蓋聞仁以親親古之道也前東平王有闕有司請廢朕不忍又請削朕不敢專惟王之至親未嘗忘於心今聞王改行自新尊脩經術親近仁人非法之求不以奸吏朕甚嘉焉傳不云乎朝過夕改君子與之其復前所削縣如故

明帝送東平王歸國手賜國傳詔

辭別之後獨坐不樂因就車歸伏軾而吟瞻望永懷

東平州志

卷之五

藝文

三

實勞我心誦及采菽以增歎息日者問東平王處家何等最樂王言爲善最樂其言甚大副是腰腹矣今送列侯印十九枚諸王子年五歲已上能趨拜者皆令帶之

章帝告東平王手詔

朕惟巡狩之制以宣聲教考同遐邇也今四國無政駕言出遊欲親知其劇易前祠園陵遂望祀華霍東柴岱宗禮常山遂徂北土歷魏郡經平原升踐隄防月令孟春善相丘陵土地所宜未有墾闢悉賦貧民給與種糧所過縣邑半入今年田租以勸農父之勞

宋咸平四年遷移鄆州勅

東平之地黃河爲災近年以來人患相繼朕慮終爲水禍特改民居爰旌不朽之功俾琢他山之石汝方膺寄任諒快衷懷今遣翰林待詔朱慶賜汝遷移鄆州碑一軸便令書石想宜知悉

明太祖高皇帝遣祭堯陵祝文

朕生後世爲民草野之間當有元失馭天下紛紛乃乘羣雄大亂之秋集衆用武荷皇天后土眷佑遂平僭亂以有天下主宰庶民今已四年矣君生前世作蒸民主大德無窮垂法至今朕典百神之祠考君陵墓在此然相去三千餘年觀於帝典大哉聖德非天者何雖切慕於心柰稟性之愚時有古今民俗亦異仰惟聖謨萬世所法特遣官奠祀脩陵聖靈不昧尚其鑒納焉尚饗

憲宗皇帝遣祭堯陵文

昔者奉天明命相繼爲君代天理物撫育黔黎彝倫攸敘井井繩繩至今承之生民多福思不忘報茲特遣使齎捧香帛祇命有司詣陵致祭惟帝尊靈來格來歆尚饗

孝宗皇帝遣祭堯陵文

於惟聖神挺生前古繼天立極宣著人文功化之隆
惠利萬世茲予祇承天序式脩明禋用祈鑒佑永祚
我家邦

世宗皇帝諭祭致仕太子太保兵部尚書王憲贈少
保謚康毅文曰卿以高年夙望臺省元老出入累朝
險平一致嘉名茂績簡在朕心茲焉云亡倏臨首七
追惟往勛諭祭載頒靈爽如存庶克歆享

穆宗皇帝諭祭兵部左侍郎劉源清文曰惟爾性質
剛果才識通明奮跡甲科歷官中外心懷許國首抗
逆藩之鋒志切匡時早靖叛軍之變撫重鎮而遺愛

東平州志

卷之五

藝文

五

未泯佐本兵而贊畫居多事後蒙纒無損勛名之重
生前引去實彰恬退之風林壑優游宜延遐祉胡爲
嬰疾遽爾長終爰念往勞特加卹典營葬如禮致祭
有儀不昧者靈尚其歆服

唐高適爲東平薛太守進王氏瑞詩表

臣某言符瑞之興實由王政歌詩之作本自國風伏
見范陽盧某母瑯琊王氏性合希澹體符靜默旁通
天地之心預紀休徵之盛去景龍二載撰天寶迴紋
詩凡八百一十二字循環有數若寒暑之遞遷應變
無窮謂陰陽之莫測誠其子曰吾沒之後爾密記之

當逢大道之朝必遇非常之主則真圖之製便可上
言君親之義不違犬馬之誠斯在臣早識其子嘗與
臣言星霜屢移書奏仍闕以歲月滋久旨趣幽微沈
吟耳目之前倏忽禎祥之後伏惟皇帝陛下乘道御
極乃聖與化叅日月之並明體乾坤而同德梯航萬
里爭飲淳和之風臣妾四國盡歸仁壽之域今陛下
務於道道可盡乎法於天天實長久是知與道齊運
比天同休無疆之徵乃在茲矣則天授之美其可替
乎章句粲然所謂沒而不朽者也臣某誠惶誠恐稽
首頓首昔漢幸甘泉且昧神君之語周窮轍跡徒稱

東平州志

卷之五

藝文

六

王母之謠豈若迥出名言高懸響像應皇王之丕命
運宮商於景福且夫靈芝嘉禾以草木之瑞尚有頌
聲方之真圖彼未爲得特望編之史冊列在樂章則
陛下先於天而聽於人也臣才術淺劣謬忝藩伯曾
徵涓塵以答萬一恒馳北極每切子侔之戀遙奉南
山願效封人之祝

宋姚鉉遷移鄆州謝表

臣鉉言三月十一日翰林待詔朱慶至奉宣詔旨賜
臣遷移鄆州碑一軸使令書石者鳳篆 蕤雄文飛
動自天而降闔境爲榮臣鉉誠感誠忭頓首

聞建萬國而親諸侯莫大乎立制度鎮四表而附百姓莫大乎列都城考王制則五等聿分據春秋則百姓雉爲大民居是域國典有程晉遷新田獲水土十世之利周營洛邑得天地四方之中鴻猷允播於無疆翠琰聿書於不朽伏惟崇文廣武聖明仁孝皇帝陛下誕膺駿命光啟瑤圖放勲之文懸諸日月有虞之孝通乎神明式遏亂畧則四海宅心寵綏黎元則百王讓德將舉告成之典永隆不拔之基惟彼東平是稱重地積水爲患羣生失寧加大河決防洪濤浸壘將就晉陽之禍咸思瓠子之歌宸機一決於九重喜

東平州志

卷之五

藝文

七

氣四充於千里倏移城郭直疑游僊人之宮兢創室廬皆謂入華胥之國審方正面而盡舉興利除害以孔多不有大功孰識乎睿智不有鴻筆孰昭乎德音金聲方振於禁林寶軸俄頒於近屏英辭煥發駭龍蛇之變攄妙翰優柔睇鳩鸞之翔集貞珉已勒盛德長新燦然與日月爭輝邈矣將天地齊永吏民相慶藩闔有光臣無任屏營之至

元趙天麟進太平金鏡策表

天開聖運雲雷驅橐籥之功地判神機河洛運權之化三千關塞壽域茫茫億兆生靈春風浩浩旣

向陽之葵藿宜同獻暖之菊蕘下啟丹衷上干紫閣
臣天麟誠惶誠懼稽首頓首欽惟皇上陛下孝尊昭
考恩奉慈闈瓜瓞增鳳曆之延蘿蔓衍龜圖之固坐
享大亨之交泰尚持貞吉之鳴謙思蕙帳以旁招屈
麻經而下問臣遭逢有幸驚劣無知雖乏致主之才
素講新民之理得生明世自慙一介之微軀追想先
朝曾獻萬言之長策猶有寒窻之論遙觀上國之光
因撰一書爰分八卷其一曰建八極以固天下之大
業其二曰脩八政以振天下之宏綱其三曰運八樞
以公天下之爵祿其四曰樹八事以豐天下之食貨

其五曰暢八脉以鼓天下之正風其六曰宣八令以
達天下之恩威其七曰示八法以清天下之刑賞其
八曰舉八要以壯天下之財力前後數萬餘字上下
六十四篇名之曰太平金鏡策評商政紀冒瀆天聰
恐或有於微長冀少裨於洪造若國家使隨流待詔
更傾三峽之波濤若國家使無罪容身自有五湖之
煙月望金門之瑞氣希玉殿之清香但願鵬海風高
萬里遂雲間之翼龍廷日暖九重回天上之光言舉
斯心力行其道臣無任戰慄席藁俯伏待罪之至謹
上書乞赦以聞

晉阮籍東平賦畧

晉書籍傳籍嘗遊東平樂其風土後拜東平相籍乘
驢到郡壞府舍屏障使內外相望法令清簡旬日而
遷其賦之畧曰夫九州有方員九野有形勢區域高
下物有其制崇之則成丘陵汙之則爲藪澤逶迤漫
衍繞以大壑及至分之圖邑樹之表物四時儀其象
陰陽暢其氣旁通廻盪有刑有德雲升雷動一叫一
默若觀夫隅隈之缺幽荒之塗忽漠之域窮野之都
奇偉譎詭不可勝圖西則首仰阿甄旁通戚蒲桑間
濮上鄭衛紛敷豪俊凌屬徒屬留居高危臨城窮川

東平州志

卷之五

藝文

九

帶宇東當三齊西接鄒魯長途千里受茲商旅其北
有連岡旄靡崎嶇山陵崔巍雲霓相干長風振厲其
南則浮汶湛湛行潦成池深林茂樹蓊鬱參差雖黔
首之不淑兮黨山澤之足彌乘松舟以載險兮雖無
維而自繫騁驂馱於狹路兮顧蹇驢而弗及資章甫
以遊越兮見犀光而先入被文繡而賈戎兮識旃裘
之必襲泰淳德之平和兮孰斯邦之可集

魏劉楨魯都賦

昔大庭氏肇建厥居少昊受命亦都茲焉山則連崗
屬嶺曠魁峽北紫金揚輝於鴻崖水精潛光乎雲穴

岱宗邈其層秀干氣霧以高越其木則赤移青松文
莖蕙棠洪幹百圍高徑穹皇竹則偵彼山垠陔彌阪
域夏蕩攢包勁條並殖翠實離離鳳凰攸食水產衆
夥各有彝倫類首萃尾豐顛重斷戴兵挾刃盤甲曲
鱗且觀其時謝節移和族綏宗招歡合好肅戒友朋
蛾睂清眸顏若雪霜插曜日之珍筭珥明月之珠璫
舞人就列整飾容華和顏揚眸眄風長歌飄乎焱發
身如轉波尋虛騁迹顧與節和縱脩袖以終曲若奔
星之赴河及其素秋三七天漢指隅民胥袂襖國于
水游緹帷彌津丹帳覆洲蓋如飛鶴馬如遊魚應門

東平州志

卷之五

藝文

十

巖巖朱扉含光路殿巋其隆崇文陛獻其高驤聽迅
雷於長徐若有聞而復亡其國囿苑沼駢田接連淥
池分浪以帶石垠文隅瓊岸華玉依津邦乃大狩振
揚炎威教民卽戎講習興詩落幕包括連結營圍毛
羣殞殪羽族殲剝墳崎塞畎不可勝錄

唐馬總鄆州刺史廳壁記

唐受天脩命用古道理仁覆德載與二侔大弘照丕
冒與三並曜維聖謨熙載於十四歲二月丁巳平巨
寇復齊魯地三月巳丑乃命臣總授節分闡撫安餘
衆且理於鄆而觀察曹濮故荷皇澤來濯汙俗人獲

沐浴咸以潔清物無夭傷各遂性命於以見周公之遺風仲尼之禮教有所不泯者焉何以言之先是元兗事猶未順惟此邦衆猶或率從及顯逆謀多不爲用其所寵任皆亡命之徒與皂隸耳故義聲一呼厥衆咸應乃知斯人可與爲順不可與爲逆此其明驗歟夫州郡廳事之有壁記雖非古制而行之已久其所記者不唯備遷授書名氏將以彰善識惡而勸戒存焉其土風物宜前政往蹟不俟咨耆訪耆搜籍索圖一升斯堂皆可辨諭原茲邦域其來遠矣曰大昊之墟魯之須句曰漢之東平曰今之鄆州其地

東平州志

卷之五

藝文

十一

一也武德中爲總管府亦爲都督府而將曹戴濮兗五州隸焉貞觀初廢府復爲州八年始自鄆城移於是就高爽也自逆師攘據罔率訓典改易升降名稱溷淆蓋無取焉今以平寇之初魏博田公奉詔權兼勾當則位同正牧宜書爲首亦春秋始魯隱公賢之也其國初以來刺史名氏及遷改之次旣遭蔑棄難以究詳訪諸史官異日備於東壁時聖曆元和紀號已亥直歲十二月巳卯檢校禮部尚書兼鄆州刺史御史大夫馬總記

元王構撰東平路公廨記畧

鄆自漢唐以來爲名郡曰東平郡曰天平軍曰京東安撫司曰山東西路兵馬總管府代有因革而治則如舊宋咸平中大水城壞乃東徙焉金興定之季燬於兵皇元啟運歲辛巳九月嚴武惠公行臺十地經創規制畧舉增繕於壬辰之冬大小卽緒而雄麗有加於前距今又七十寒暑崇者岷實者腐華藻者益漫濫前後數政俱以牽掣而力有弗及幸終秩奉身而去違他恤哉大德壬寅前翰林承旨容齋徐公之子公達由東宮衛以便親易路判官操雪淬勵請分任興功之責監路允之人以詖詞相愾輒擯不行暨

同知南護禮推官欒之昂張宏等首捐俸募工而吏民趨事富以貲貧以力一司六縣之人咸樂爲用於是盡徹舊廓以營之爲正廳翼以二室環以東西廊廡後起燕堂涼燠宜之賔閣處其右經歷有司架閣有庫外關門三而樓於譙門以申警焉爲楹百十一有奇役未竟而止甲辰朝廷擢中書左司郎中睢陽王君爲總管君敷歷臺省惟公惟廉綽有能譽暇日延經歷吳文德知事孫英諭之曰廳事乃聽理者之所安也原來剏者圓方廣狹未得其宜遂捐貲募工蓋首尾三年始得畢事云

明太學士許彬譔東平州冉子廟記

東平城北二十里許舊有冉子廟歲久傾圮不稱神
棲宣聖六十一代孫襲封衍聖公孔弘緒每朝覲往
還必謁祠下心甚歎焉郡守潘君慨許脩復遂出俸
鳩材僦工輦石陶甃撤其舊而增新之正廟歇山轉
角爲間者三爲楹者五中爲塑像弟子二人侍旁爲
屋三間以奉祠者居之繚以周垣闢以門戶規畫堅
緻煥然一新邦人老稚過者咸加敬禮曰此太守之
功也工旣成弘緒過予請文爲記慶先賢祠廟之再
遇而彰太守用心之仁也考之史記冉耕字伯牛魯

東平州志

卷之五

藝文

十二

人不幸有惡疾孔子往問之自牖執其手曰亡之命
矣夫斯人也而有斯疾也斯人也而有斯疾也重言
之者痛之深而悼之至豈顏子旣歿而斯道之傳將
在斯人歟而祠廟興建之蹟始於唐宋元大德中翰
林學士王構記其廟稱伯牛鄆人游於洙泗首四科
而亞顏閔累代褒崇始封鄆侯進東平公推褒之詞
溢於簡冊所不幸者有疾而夭初不知卒葬何處闕
祖庭廣記有刻石云伯牛卒葬汶上後值劉太尹
葬東原古老相傳孔子宰中都時伯牛常侍左右
都今汶上也後孔子以司空司寇去召伯牛攝縣

事卒葬西門外感化橋畔誌其墓者復以前祖庭四
句刻石後果有劉尹來官是邑因脩感化橋得石刻
喜以爲讖千百載前事應於此石遂徙葬今所嗚呼
德行彝倫之大本治道所先而崇禮先賢表勵後進
尤守令之急務太守其達爲政之本歟太守字克寬
洪其名也廣東廣州府人由丁丑進士首擢今官政
尚循良爲賢有司書其事以告是邦之人使知重道
崇儒興廢補敝有所自云

改築杏壇記

王汝孝

郡人

周室衰微聖人不作三帝三王羣聖人之道於是寢

東平州志

卷之五

藝文

十四

晦孔子祖述憲章上律下襲思以道覆冒一世挽回
上古於是與七十子之徒講道洙泗以主盟吾道彼
羣弟子者各以所得問答授受乃刪述六經以垂法
萬世若杏壇者固孔子談道之所也東平之有學舊
矣規制弘敞觀者容竦心怡明倫堂之南層堦累級
覆以土山巋然隆起中丞維揚曾公撫臨之明日躬
謁學宮見而詫異曰若土山易爲杏壇何如於時裴
侯視篆未幾奉命唯謹量功命曰浹旬而告成君子
曰良哉役也魯僖脩學詩人美之鄭人毀校子產止
焉謂此非春秋之所必予者耶曾公是舉無亦有風

之道乎而昭示道軌啟勵後學之意不其至哉嗟乎觀河洛者思禹功飽稼稽者追稷烈吾黨小子游孔子之門服行其言目擊道存不思早作夜思乎升堂入室乎聞知見知所得不同其歸一也凡吾人士其尚有所興也夫敬附貞珉以告來者曾公名銑守巡金公清楊公伊志黃公鰲裴侯名中有功斯文於法得書

重脩郡城記畧

侯寧郡人

中山丘公脩東平城完郡之人士謂不可無以紀其事乃咸以見命予樂公之續用有成而嘉惠斯民

東平州志

卷之五

藝文

十五

之意甚殷也遂不辭蕪陋勉爲之記蓋易有之王公設險以守其國其在周禮則有掌掌脩城郭溝池故莒不設備楚人入鄆奪其三邑叔孫敖築沂不愆於素君子稱焉城不可不脩也不亦較然著乎東平有城舊矣凡因水患三徙茲城迺宋咸平中郡守姚鉉改建者也緣爲府治且屬督會之區是故幅員迂曠易於崩圯爲之有司者遭際承平狃於無事坐視廢墜漫不加省殆比比焉前郡守澶淵張公一峯雖嘗脩治堞雉竟至寢閣加之霖雨浸灌墻垣尋頓則亦何以樹風聲而壯規制乎哉中山公爰自

武晉守是邦睹而興歎銳意整理墻垣之塌損者
既皆補葺堞雉之寢閣者莫不鱗比櫛密次第起創
以至城外橋梁亦悉建豎女墻規制爲之一新焉至
於應用磚灰則惟取給創立官窰其諸趨事人役亦
皆簡厥庶人在官者之空餘俾之互相易代蓋未嘗
破費公帑勤動百姓不越數旬而一方之大觀飭矣
良以公愛民深故能防患於預訃謨定故能成功之
速律身廉故於官無所費民無所勞而自周於其用
一事而三善備矣可不謂賢哉公諱如嵩中山其別
號也家世廣平之清河嘉靖戊午順天鄉榜至於爲

東平州志

卷之五

藝文

十六

政子惠困窮均節徭役利用厚生之道靡不次第舉
行故感於其功因錄其名氏刻諸碑陰

明太學士楊士奇送李永懷歸東平序

永樂十九年冬士奇侍儲君自南京入朝道出彭城
以北屬歲饑民男女老弱纍纍道傍拾草實以食而
滕與鄒尤甚儲君憫焉遽命山東布政使暨郡縣長
吏計口而賑貸之既渡濟寧入東平之境視其民皆
充然意氣和悅如無所不足者而老者數百人鬚髮
如雪冠方巾裒衣而長裾濟濟焉夾道東西聚立候
展祇謁之禮從臣見者皆焉喜駐馬就而問之此邦

歲度幾有收乎曰然州其有賢守乎曰然輒舉乎加
言曰皆上之賜也又 州守名氏及其鄉郡曰前
守楊公 之守李公皆出廬陵而備舉其宜民之政
聞者既皆爲東平喜又喜其民之言達於禮也尚書
公 謂士奇曰廬陵固 賢此兩人者亦識之否
乎士 曰前守名瑒字 珍家吉水於士奇同宗蓋
宋忠臣 康通判謚 之後爲州縣二十年率有
善政今守名湘字永懷士奇同里人其父子兄弟慈
孝友愛而力於生業未嘗以非義取皆鄉人所重者
衆嘖嘖稱嘆曰 之觀人者必推本其行其有以夫

東平州志

卷之五

藝文

十七

暮余獨過訪永懷惟一童子守舍家具蕭然是夜
州學其博士弟子亦皆媿媿道二守之賢明年永
懷以 代去其後朝廷遣使巡撫天下問民所疾苦
東平之氏羣訴於使者乞還李知州使者以聞命還
之蓋東平自永懷去至是更三歲歷兩知州矣民心
之好惡豈有他哉撫之不當則欲去之如古謝 之
爲吳縣者蓋人情所同也如撫之當其去也欲畱之
而不能如鄧攸之爲吳郡者亦人情所同也其賢不
相去豈直倍蓰什伯哉永懷之賢亦攸之徒歟其
所施諸東平者余親見之故 序以爲贈亦

以勵其終云

明武功伯徐有貞安平治水功完碑畧

惟景泰四年十月十有一日天子以河決沙灣久弗
克治集左右丞弼暨百執事之臣於文淵閣議舉可
以治水者僉以臣有貞應詔乃賜璽書命之行臣有
貞祇承惟謹既至乃經營焉作治水之鍤疏水之渠
起張秋今堤之首西南行九里而至於濮陽之灤又
九里而至於博陵之陂又六里而至於壽張沙河又
八里而至於東西影塘又十有五里而至於白嶺之
灣又三里而至於李峯之涯由李峯而上又二十里

東平州志

卷之五

藝文

十八

而至於竹口蓮花之池又三十里而至於大瀦之潭
乃踰范暨濮又上而西凡數百里經澶淵以接河沁
河沁之水過則害微則利故遏其過而導其微用平
水勢既成名其渠曰廣濟插曰通源渠有分合而鍤
有上下凡河流之旁出而不順則堰有九長袤皆至
萬丈九堰既設其水遂不東衝沙灣乃更北出以濟
漕渠之涸阿西鄆東曹南鄆北沮洳而資灌漑者爲
百數十萬行旅即便居民安堵有貞知事可集乃
參綜古法爰作大堰其上建以水門其下繚以虹隄
堰之架濤截流棚木絡竹實之石而鍵之鐵蓋合

火木金而一之用平水性既乃 泗之 而出諸
山滙澶濮之流而納諸澤遂濬漕渠由沙灣而北至
於臨清凡二百四十里南至於濟寧凡二百一十里
復作放水之牐於東呂之龍灣魏灣凡入爲水之慶
其盈過丈則放而淺之皆通古河以入於海上制其
源下族其流既有所節且有所宣用平水道由是水
害以除水利以興以溉焉以漕焉無弗可者是不可
無紀述以昭來世臣有貞乃拜手稽首而爲之文
少師大學士徐溥奉勅譔安平鎮治水成功碑畧

安平鎮舊名張秋實運河要地也景泰間黃河支流

東平州志

卷之五

藝文

十九

決鎮之沙灣壞運河朝廷命都察院右僉都御史徐
有貞塞而隄之暨弘治六年復決於下流十里許運
河淤涸舟楫不通上以爲憂勅右副都御史臣劉大
夏往治之又特勅內官監太監臣李興平江伯臣陳
銳總督山東兵民夫役與之共事至則合志協慮會
財計工厚加撫諭俾大小趨事期於成功時下且半
漕舟已集一經決口挽力數倍稍失手輒覆溺不可
掇乃於西岸稍南鑿月河長三里許引舟由之次第
皆濟歲運賴以不失及冬水向落乃爲塞決計規古
法酌時宜築東西二臺植木爲表多施大索衆埽交

下兩岸漸合中流用舡襍實土石鑿而沉之厭以巨埽囊土以實其罅役夫番代閱三晝夜弗息而決始塞其外則斲石樹杙累築而固之又於共南爲石壩以備節宣於上流爲重隄以防奔潰至是運道復通而舊決皆爲陸地矣初議以爲安平之上流爲黃陵岡黃陵未塞則安平之功亦不易保故二役並興而湍勢悍激再塞再決羣喙洶洶莫知所定迄八年之二月皆以成告上遣使獎勞易鎮名曰安平又勅建神祠以祈冥佑名曰顯惠命有司春秋修祀事是役也凡用夫四萬餘薪芻以束計者八十四萬五千竹

木以根計者三萬七千麻鐵以斤計者六十萬四千而黃陵之役不與焉比復命於朝銳大夏等進秋加俸者百數十人各有差旣又勅臣溥爲文紀功績歲月以詔來世故叙其事俾刻金石用復明命大學士王鏊譔安平鎮治水功完碑畧 弘治六年夏決黃陵岡潰張秋堤奪汶水以入海張秋上下渺瀰際天東昌臨清河流幾絕前後遣官治之績用弗成上乃命右副都御史劉大夏後命太監李興平江伯陳銳同往蒞之乃始議築黃陵岡之缺 夏等議

以爲不治上流則決口不可塞於是浚河自孫家渡七十餘里由陳穎以入杓淮又浚賈魯舊河四十餘里由曹以出於徐於時向冬水落乃於張秋兩岸東西築臺立表貫索綱聯巨艦穴而窒之實以土牛至決口去室艦沉壓以大埽合且復決隨築繚以石堤輔以滉柱又於上流作減水壩又濬南旺湖諸泉源漕道復通臣興臣銳臣大夏以其事聞上遣使慰勞令作廟鎮其上賜額曰顯惠神祠鎮曰安平命臣鑿紀其事

京闈進士筠渠先生墓碑

田大有

郡人

東平州志

卷之五

藝文

二十一

古之人有言仁者必有其後有德者必得其壽其於天人徵應之理闡其微矣以予觀於筠渠先生則異於是豈人事之或然蒼蒼者有定有不定耶先生諱萃夫字聚之姓趙氏筠渠其自號也父迎涉獵經籍潛德未耀母曹淑惠淵慈早年委化先生忠信孝友樂易寬仁總角日誦千言雅有神解操觚命句富江河燦若星日觀者靡不詫歎叔父峴南公耆德望虛齋蔡氏二泉邵氏咸與納交先生服膺家學其二兄檜菴晴澳夙夜研窮聲稱籍甚齊魯諸德絜藝人人自謂弗及先侍御樂善公仰其模

大有執經受讀大司馬康毅公亦命其子岱麓中丞
詣業其門一時文士風驅雲從而唐陳州鄭隨州暨
梁劉諸君其尤著也先生學成德尊譽望轉茂嘉靖
辛卯以朝廷選貢新例趨赴京其年試於春官大宗
伯桂洲夏公儀部平湖屠公覽其文驚服謂當與宋
睂山蘇氏頡頏無何順天鄉試列名高第乃羣四方
豪俊互相講磨由是聞見益擴涵養日益弘粹矣先
生舊患痰火戊戌下第歸其患轉劇明年己亥午日
方對客解粽俄而疾作竟以不起大有時以御史得
請家居趨爲置棺仍相與殯殮十葬郡北十二里輝

東平州志

卷之五

藝文

二十二

山之原先生固有德而仁者三女無男春秋四十有
五而已古之所稱然與否耶嗚呼其真天之未定矣
昔漢侯芭受業楊雄雄死爲之起墳表墓唐蕭穎士
沒門人僉爲立碑命謚在三之義古今一也先生沒
踰兩紀盛美莫揚墓石猶缺謂非大有之責也於是
忘其庸鄙追述先生生平大畧僭加論次仍請於先
生之配李夫人勒諸貞珉列之墓左俾後世攬德獵
行之士有所稽而稱焉先生論著無慮數什往往散
逸靡存今所傳誦鷄鳴等賦序誄數首已耳豈不深
可惜哉先生先娶鄭鄭沒而李夫人繼李故陝西澄

城少尹君第五女靜謐柔嘉夙嫻內訓先生之歿也
矢心自勵終始如一君子謂有共姜梁寡高行之風
烈三女長適郡學生尚棟生一子寡居十六襁而終
次適郡學生鄭藍早卒次適李鳴冬亦生子一人

元霍希賢謨東平路總管府新政頌

物盛則衰政久則弊不有公平正直廉勤不倦足以
有爲之才未易更張襄陽路總管蘇侯顯卿來牧東
平深知宿弊以更張爲已任同僚完者不花等暨募
官協謀贊治時方久旱雨隨車歲乃有秋年比不登
民多缺食侯率僚佐具狀省部朝廷給鈔六千九百

東平州志

卷之五

藝文

二十三

餘錠賑濟貧乏更勸富戶各出餘糧俾鄉耆宋思温
設竈永康門北煑粥以食賴以全活者甚衆民間徭
役高下得宜去須城等縣積年之重併蠲錄事司宿
弊之妄差民皆鼓舞歡慶又贍儒學田五十餘頃夏
秋租入四百餘石生徒雲集每於朔望躬率僚屬謁
廟講習以激勸之在城稅課虧額十千餘錠五除代
官懼不赴任侯諗其弊委官監辦不越月各官得解
而去民有豪黠依憑城社侵害細民侯表出之痛法
以繩緝選富實之家使充驛站以舒民力囂頑之徒
往往凌轢良善蔑裂官府旣撻於市又斥錮俾還本

貫遠近震服市中米麥等項價不增直至於引汶河以灌城壕脩壩閘以殺水勢完復水碓學產已廢復興重葺神祠蓋成民而後致力也大抵公之爲政寬猛相濟令出惟行不吐剛茹柔以故政成化洽部使者交章論薦歌頌之聲洋洋盈耳也侯名炳長安人由中書省左司郎中出尹外郡今進秩大中大夫云

漢班固奏記東平王蒼

永平初東平王蒼以至戚爲驃騎將軍輔政開東閣延英雄時固始弱冠奏記說蒼曰將軍以周召之德立乎本朝承休明之策建威靈之號在昔周公今也

東平州志

卷之五

藝文

一二十四

將軍詩書所載未有三此者也傳曰必有非常之人然後有非常之事有非常之事然後有非常之功固幸得生於清明之世豫在視聽之末私以螻螳竊觀國政誠美將軍擁千載之任躡先聖之蹤體弘懿之姿據高明之識博貫庶事服膺六藝白黑簡心求善無厭採擇狂夫之言不逆負薪之議竊見幕府新開廣延羣俊四方之士顛倒衣裳將軍宜詳唐殷之舉察伊臯之薦令遠近無偏幽隱必達期於總覽賢才收集明智爲國得人以寧本朝則將軍養志和神優游廟堂光名宣於當世遺烈著於無窮竊見故司空

椽桓梁宿儒盛名冠德州里七十從心行不踰矩蓋
清廟之光輝當世之彥俊也京兆祭酒結髮脩行白
首無違好古樂道清默自守古人之美行時俗所莫
及扶風掾李育經明行著教授百人客居杜陵茅居
土階京兆扶風二郡更請徒以家貧數辭病去温故
知新論議通明廉清修潔行能純備雖前世名儒國
家所器韋平孔翟無以加焉宜令考績以參萬事京
兆督郵郭基孝行著於州里經學稱於師門政務之
績有絕異之效如得及明時秉事下僚進有羽翮奮
翔之用退有杞梁一介之死涼州從事王雍躬卞嚴

東平州志

卷之五

藝文

二十五

之節文之以術藝涼州冠蓋未有宜先雍者也古者
周公一舉則三方怨曰奚爲而後已宜及府開以慰
遠方弘農功曹史殷肅達學洽聞才能絕倫誦詩三
百奉使專對此六子者皆有殊行絕才德隆當世如
蒙徵納以輔高明此山梁之秋夫子所爲歎也昔卞
和獻寶以罹斷趾靈均納忠終於沈身而和氏之璧
千載垂光屈子之篇萬世歸善願將軍隆照微之明
信日昃之聽少屈威神咨嗟下問令塵埃之中永無
荆山汨羅之恨

元康華謝嚴東平賜馬啟

微勞無有敢及二命之榮小技奚堪遽 千金之賞
所賜厚矣何愧如之伏念華材素無良器非致遠徒
勉厲驚之志莫成率驥之功無所取哉確然大耳詩
書廢棄難追韓愈之飛黃鄉里歸來亦乏少游之歎
段敢忘代勞之駿足孰憐負俗之陳人賁然來思念
不到此茲蓋伏遇相公秉鞭作牧如馭臨民名高齊
駟之無稱德大魯駟之有頌小者大者繫之維之雖
病顛之駒謂何飾矣至泛駕之馬亦在馭焉不圖衰
朽之蹤曲被閑馳之惠自矜光寵獲免徒行敢曰據
鞍效馬伏波之豐鑠恐其鞞鞞有杜工部之損傷感

東平州志

卷之五

藝文

二十六

佩良深染濡奚罄

翰林院左春坊左諭德狀元文震孟譔郭烈婦
表

余曩爲里中龔烈婦請旌而奏記臺使者謂世風之
靡也化鬚睂爲笄褱而今欲借笄褱以風鬚睂非採
風者奚望焉蓋士大夫之不講於節義也邇乃滋甚
矣閭里匹婦目不知詩書胸不藏今古往往舍生取
義從容成仁故知天地之正氣原自流行於天地士
大夫之泪沒不如匹婦之獨醒士大夫之顧瞻不如
匹婦之獨往耳然亦不數數見矣或一見之可無表

章爲世勸乎余同年給諫東平杜公言其里郭烈婦事正與龔相類然其名不著於世斷煙荒草片石沉埋幸諸公表章而光顯之余因括其事爲之銘使表於埋骨之所 惟烈婦郭爲姓歸武魁貧而靜魁業醫天厥命殮含之葬埋竟婦姿艾或謀聘痛且踴誓死狗麻束髮裳衣正僵於室以待盡鄰有嫗來相訊慰悲哀剖瓜進嘗一瓢以示敬更與語終不應積七日目乃瞑郡義士買棺殯埋何所與魁近樹一石没荒徑我表微其名炳過者式昧者醒勸節義覩邪佞

火帝眞君祠記

李文芝 郡人

粵惟元始未形混茫無際兩儀旣判三才攸分而聖神功化之極陰陽闔闢之妙固有合神人而一之者也東平舊無火帝祠州東南有地一區草木明秀風氣攸鐘地莫有加焉者也人見其地時有離火靈光明滅靡定去而復來者久之人咸以爲無異也一夕火復熾恍然聞有金戈鐵馬之聲嚮振城 且于火光中見有一袍服簪冠者併多羣從相與往來耀舞于其間星馳電矚若可卽而象焉曉語諸衆衆以爲火神也迺相與謀之善士曰馬文卿常道萬思恭等泪卿士大夫僉以爲可 其地立祠以棲神也迺約

會募財 日鳩工得勤敏 如王子孫者五六人
與董厥事迺向明立離據靈布位而重軒靈宇倏然
可觀爰自戊午歲肇工也已未迺告成焉由是棟桴
凌漢椽桷盤空神御有在幽巖可卽迺肖神象于中
堂列帥將于四座飾金鏤玉可瞻可依又崇之以
臺繚之以周垣而靚粧輪奐之美屹然一方之勝槩
也夫惟神靈悟感而遂通如鴻鐘虛受叩之則鳴通
天下之故周萬物之澤其天下之至神者哉迄工日
前馬萬二老及會約人氏咸詣予徵文以記其盛于
以老病不文辭去當夕遂夢有火爨于予方牌之上

光燭萬丈照耀城市遠邇謂非神昭其異以懇其所
事耶不獲已迺述事之始末爲記夫易載燠火詩詠
流火書註鶉火周禮以陽燧取火于日司燿掌火之
政令季春取火季秋納火各有攸謂也稽之燧人氏
取火之義興而吾人始脫夫茹毛飲血之陋自是以
火記官烏流王屋以至陶冶羣形協和五味鎔銅鑠
金以整兵戎攘寇禦侮以臻康乂其功用甚大而俾
益甚偉也匪祠則侍御敬奉無所依象貌威嚴無所
安而祠宇之建固有不容已焉者是役也凡梁棟椽
拱之屬千二百有奇磚瓦鴟吻之屬二萬五千有奇

則用金鐵之屬千萬四百有奇 工 人之屬月
而歲不同難以數計也曰靡費曰勞瘁固人情所同
願而恐後者豈尋常焚脩之所可擬哉又稽之山
經章義之山有鳥赤文白喙名曰畢方見則邑有譌
火煽禍肆毒無所不至神其陰殄此類俾海南天北
翱翔遠伏吾郡遠邇千百載不爲災變實神之明聖
惠此一方于無窮也沐茲鴻休恭疏短引四言旣成
百 不易辭曰於穆眞陽靈曜煌煌維火秉德燥物
至剛祝融安戢回祿弗倡燎原不作池魚未殃玉石
必分冠蓋相望銷鎬鎔戈四海來王爲耜爲耒萬民
用康湛惠龐休千萬延長睠茲靈宇載葺有章翬飛
丹刻金碧輝煌錯落珠璣掩映璧璫迺象迺依爲龍
爲光星火隱約雲霧收藏遠接泰嶽近挹汶洋像設
孔安血食無疆

州判楊公碑記

李文芝 郡人

碑者披刻事功而載之金石者也余衆爲楊公立碑
矣其載維何公諱時潤字伯雨別號華南占藉揚州
江都其先陝西咸寧人也博極羣書至於天文地理
律曆醫十咸通其說正德癸酉入貢太學監滿擢授
東平判官歲時壬辰也未幾以親老自陳求歸弗允

任親民如子徇其所欲言革其所惡芳輯訓飭躬
不倦凡可以便民者以身任之郡賦新糧吏民不
上使公爲之力言於上司得止爲政毅然以清自勵
賜之外不妄取太僕知其賢禮獎勸之郡士大夫
贈者辭弗受或曰贈下禮也拒之何故公曰區區筮
仕顧可以此自累乎郡有富民傷人者公得其情治
之以法民懷之金拒而不受時有上大夫私囑者公
率然律之畧無所避其過人之操履絕俗之儀矩利
誘之而不回勢惕之而不阻蓋亦學而知行之者也
其誠難矣夫公之懿行休聲尚多其于馬政尤專竭

心盡職剷革宿弊馬賴蕃息往返于畿甸之間而季
無越俵矣延甲午秋郡當大旱東原迤東四十里許
有社名塔井公以督水功抵社社方六七十里爲旱
尤甚民咸告急公往身自祈之齋沐致誠雨降三日
大獲有年人以爲德之應乃爲龍王廟以詞之且曰
公遺澤也民歌曰我有賢父兮實維楊公決天河
兮灌東土田寫鹵兮而稻糧生不知公何以能致于
斯由其立心之正擇術之精忠孝太節所以獲于
揆古無讓于今無愧可謂不負所志者矣至其接
人邑莊氣溫雍容怡如語簡盡無不樂就之焉公

之功德在人如此余衆思之至今無能改於其舊也
碑立矣能無贊乎贊曰

慥慥君子 萬夫之特 匪耄于年 亦邵其德

不卑小官 彌勵堅白 不爲威惕 不爲利疚

行方而嚴 學優而粹 世累紛如 頽然無係

抑抑德隅 人望知畏 時有古廉 于公作配

東平樞密使贈侍中王朴傳 單民功郡人

論曰君子有三不朽言與功並重也况開國安邊語
語經濟制器定樂鑿鑿可行者乎則議論丰采朝端
增重而言聽計從君臣相得者其言存其人存也爰

東平州志

卷之五

藝文

三十一

紀述而爲之傳

五代王朴字文伯東平人也少舉進士爲校書郎依
漢樞密使楊邠邠與王章史弘肇等將相交惡朴見
隱帝孱弱知其必亂乃去邠東歸後李業等教隱帝
誅邠章弘肇皆見殺三家之客多及而朴以故獨免
周太祖廣順元年二月以其養子榮爲鎮寧節度使
鎮澶州選朝臣爲之僚佐以朴爲掌書記三年榮入
朝三月周主以榮爲開封尹封晉王朴爲推官次年
周主崩晉王立是爲世宗改元顯德朴遷北部郎中
是時世宗新卽位銳意征伐親敗劉旻於高平歸而

治兵慨然有平一天下之志數顧大臣問治道二年四月謂宰相曰朕每思致治之方未得其要寢食不忘又吳蜀幽并皆阻聲教未能混一宜命近臣著爲君難爲臣不易論及開邊策各一篇朕將覽焉朴獻策曰中國之失吳蜀幽并皆由失道今必先觀所以失之之原然後知所以取之之術其始失之也莫不以君暗臣邪兵驕民困姦黨內熾武夫外橫因小失大積微成著今欲取之莫若反其所爲而已進賢退不肖以收其才恩隱誠信以結其心賞功罰罪以盡其力去奢節用以豐其財時使薄歛以阜其民俟

羣材旣集政事旣治財用旣充士民旣附然後舉而用之功無不成矣彼之人觀我有必取之勢則知其情狀者願爲間諜知爲山川者願爲鄉導民心旣歸天意必從矣凡攻取之道必先其易者唐與吾接境幾二千里其勢易擾也擾之當以無備之處爲始備東則擾西備西則擾東彼必奔走而救之奔走之間可以知其虛實彊弱然後避實擊虛避彊擊弱未須大舉且以輕兵擾之南人懦怯聞小有警必悉師以救之師數動則民疲而財竭不悉師則我可以乘虛取之如此江北諸州將悉爲我有旣得江北則用彼

之民行我之法江南亦易取也得江南則嶺南巴蜀可傳檄而定南方既定則燕地必望風內附若其不至移兵攻之席卷可平矣惟河東必死之寇不可以恩信誘必當以疆兵制之然彼自高平之敗力竭氣沮必未能爲邊患宜且以爲後圖俟天下旣平然後伺間一舉可擒也今士卒精練甲兵有脩群下畏法諸將効力期年之後可以出師宜自夏秋蓄積邊實矣世宗欣然納之時群臣多守常偷安所對少可取者惟朴神峻氣勁有謀能斷世宗重之遂以爲右諫議大夫知開封府事轉端明殿學士時世宗雅已知

朴及見朴議論偉然益以爲奇引與計議天下事無不合三年九月以朴爲樞密副使四年八月以朴爲樞密使六年春正月命朴作律準定大樂初有司將立正伏宿設樂縣於殿庭世宗觀之見鐘磬有設而不擊者問樂工皆不能對乃命竇儼討論古今考正雅樂以王朴素曉音律詢之朴上疏曰禮以檢形樂以心形順於外心和於內然而天下不治未之有也盖樂生於人心而聲成於物物聲旣成復能感人之心昔黃帝吹九寸之管得黃鐘正聲半之爲清聲倍之爲緩聲三分損益之以生十二律旋相爲宮以

生七調爲一均凡十二均八十四調而大備遭秦滅
學歷代罕能用之唐祖孝孫考正大樂其法始備安
史之亂什忘八九至於黃巢蕩盡無遺時有博士殷
盈孫鑄鑄鐘十二編鐘二百四十處士蕭承訓校定
石磬今之在縣者是也雖有鐘磬之狀實無相應之
和其鑄鐘不問音律但循環而擊編鐘磬徒縣而已
絲竹匏土僅有七聲名爲黃鐘之宮其存者九曲考
之三曲協律六曲參涉諸調蓋樂之廢缺無甚於今
臣謹如古法以秬黍定尺長九寸徑三分爲黃鐘之
管與今黃鐘之聲相應因而推之得十二律以爲衆

東平州志

卷之五

藝文

三十四

管互吹用聲不便乃作律準十有三絃共長九尺皆
應黃鐘之聲以次設柱爲十一律及黃鐘清聲旋用
七律以爲一均爲均之主者宮也徵商羽角變宮變
徵次焉發其均主之聲歸乎本音之律迭應不亂乃
成其調凡八十一調此法久絕出臣獨見乞集百官
校其得失詔從之百官皆以爲然乃行之世宗征淮
朴留京師廣新城通道路壯偉宏濶汴京之制多其
所規爲顯德六年世宗遣朴行視汴口作斗門還過
故相李穀第疾作仆於坐上昇歸於卒朴剛毅明敏
志畧過人及卒世宗臨其喪以玉鉞卓地慟哭數四

不能自止贈侍中

贊曰文經武緯石畫確然贊揚廟算動出萬全樂制
律準八音節宣弘才大用樞相任專爰紀青史以光
鴻編

郡大夫鉅鹿白公去思碑記

杜三策

郡人

白公諱鯤字號冲寰古邢襄人也世家起身由筮仕
以迄於茲我魯而外而齊而吳而晉凡四遷轉矣所
在賢聲懋著膾炙人口其在我魯則我州人士所耳
目而睹記之者也公體貌峻修神情朗豁不嫚上而
侮下不苟柔而吐剛不就易而却險而懸庭魚而斷

東平州志

卷之五

藝文

三十五

陸蛟而燃渚犀而破首鼠姑臚其槩以與我州人士
共識不忘問杖藜於野橋或取負嶠冷雲月於甕墉
誰憐處囊公獨否公情勝而質文勝而雅惟茲二三
耆宦二三儒紳迨我暇矣輒進而笑語接之不徇一
私不殺 禮甚且疾則踵門而問甚且亡則垂涕而
弔公之遇我州人士何如也肉鼓敲殘刑幾同乎刈
草絲穀鬻盡民堪嘆乎竭澤公獨否曰我實生民豈
其浚民以生不特嚴火耗息疲癯卽急 賦役萬不
可蠲亦必委曲調停務爲我民惜膏脂省筋力諸如
皇船捐俸皇筏設費之類非悉心民瘼誰能有

中攫白夜之金蒲鞭長寇綠林歆昏暮之血懦
奸公獨否癸丑之歲州之南哨聚不下千餘而巨魁
咆哮橫行牙蠹市棍相與爲奸比時震驚繹騷幾成
厝火之憂公輒加意捕勦相與爲奸者並置之法不
數日束首就縛羣黨解散微公則蟲拚可虞竈薪誰
徙凡茲百姓卽欲安枕而臥得乎蓋公以平度來佐
魯郡適值解馬之役山以東凡清軍者例擇一員以
往衆皆咋舌規避恐後公則曰若此則朝家事誰其
任之事君致身之謂何單車就道畧無難色且爲諸
郡省費不啻巨萬設當事者悉公也戎莽豈憂小醜

東平州志

卷之五

藝文

三十六

哉粵稽古來從政者有其守或無其才有其才或無
其識有其識或無其胆屈指我公在魯之行事合以
他郡之歷履大都以才擴守以識布才以胆御識如
前所謂懸魚斷蛟燃犀破鼠而先州後郡藉河潤而
徼露覆孰與我州人事爲尤深哉先是公之蒞我州
也不二載忽以憂歸我州人士而思思而欲有以貞
諸不朽也崇之以祠並勒之以石一脉孟先生業有
言矣茲且蒞我郡以今日愈出之奇庇我蒙繹以前
日未殫之澤惠我須句我州人士戴新恩益以佩舊
德遂相聚而謀曰召父杜母惠我無疆是區區者遂

是以奉公乎哉鳩工庀材相率起而大之而耆民張東朴爲之首事竣徵言於余以余知公也余言其足以槩公畧爲之序亦聊以慰我州人士思慕之思併使後之君子考遺跡而徵循良者知我白公之不可忘如此

重脩儒學記

解如桐 郡人

吾郡學宮廟廡軒聳堂序弘敞門屏坊檻突兀崔嵬蓋東土一甲觀云閱歲滋久圯壞漸臻守茲土者恒銳意脩葺遑遑以財力之煩劇而中止楚潭存一周父母來守我郡覩學舍之荒蕪毅然以更新爲已任

東平州志

卷之五

藝文

三十七

庀材鳩工完舊益新曩之棟折榱毀者今則翬飛鳥革矣曩之屋敗垣頽者今則竹苞松茂矣赫奕一時麟炳百代猗歟休哉然帑金無損里甲不擾闔郡士人若罔聞知是遵何道而致然良由我公之仁心善政所軫恤者殷而經畫者密耳公政藹愷悌操凜冰蘖撫字奚啻卵翼征役毫無贏餘卽薄罰以懲不諛亦厘厘升斗菽粟時日城旦用供營繕諸費又時捐俸金以佐之纍月積歲裒微成鉅經營四載百廢俱興城闐橋梁公署廬舍鼎新者不一而學宮尤煥然改觀焉不休哉邁迹前喆垂範來禩矣是役也詎

崇廟貌美觀瞻已乎太史公曰齊魯之士嫻于文學
其天性也東平地接齊魯一時斌斌文物星布史冊
而風土之美又晉賢所最愛而樂遊者公思砥礪性
真醞釀風教率自學校始此崇飾學廟之爲兢兢也
吾輩東平人士曲體至意仰法前脩含咀英華葆合
真醇步趨于繩墨之中沉酣于聖之域達則謀王
斷國窮則飭躬砥行俾鄭公嘉遯之節馬君行道之
志庶幾再見于今日俾海寓嘖嘖曰文士也吾庠所
發跡也我公之廣勵學宮所振起而陶鎔者也豈不
均有榮施哉如桐廨圖無以抱疴家食快覩盛舉曷

東平州志

卷之五

藝文

三十八

勝忭懽適廣文先生掖邑賈公日照張公齊東王公
命爲文紀厥事敬綴俚言聊抒揄揚之衷于萬一云
公諱燿冕湖廣寧鄉人已卯鄉進士以秩滿加奉直
大夫明萬曆四十五年孟夏立

鬪山洼新開金線河碑記

單用賔

郡人

昔三代時井田之法行天下之農食於官其土壤之
肥瘠生齒之登耗視之如其家民仰食於官受官之
田食其力而輸其賦歲有豐凶則賦有厚薄且補助
其所不及而民無艱食秦以後始以宇內自私不恤
其民田無限制歲之凶或蠲其租終非三代君臣一

體之意是故古今談治道者莫先於仁政仁政始自疆界古井制不復見矣至若田中溝洫經界隄防諸有利於民田沿革不同率由禹之治大抵因其意而變通之無古今一也民不知自治其事官雖牧怠於其事稻人遂人之法悉載周官導水甚周一切棄而不舉雖有豐年高亢卑濕之田不免旱澇非獨地利亦人事之不脩也故通渠洩水此法不可一日廢南昌李公名國祥別號松門博學好古有志三代之治祿仕吾郡職在治農留心經國遠慮軫東平宿潦經歲不涸赤子久遭昏墊艱于粒食思欲拯而置之衽

席倡開渠洩水之謀與民更始李公之經畫夫非井田遺制而爲仁人之首務與昔鄧艾著濟河論以田良水少不足以盡地利宜開河渠以大濟運儲杜元凱在荊州開楊口起夏水達巴陵千餘里內瀉長江之險外通零挂之漕而人歌之彼皆自我作始當兵興多事之秋建茲偉績矧自澤國故墟其迹可循而事亦甚便前司牧未有議及此惟不以民事爲心畏民情難與慮始工役重事恐勞民也夫民生有欲不能自遂上之人固而導之不令而從奚始之難慮若違道 譽拂民之情以圖已功始固拂然不樂堅而

持之不得已從上之令非其心也民心不可欺以智故天下事惟誠則可以久始與終一耳始不得民心而強之我從未有久而不離者是可與之樂成耶人情莫不恐恐焉避其所害而惟利是趨上之人身任其事則歸之若流水公之治渠因人情而布之今不勞督責民自樂於趨事易曰悅以使民民忘其勞其公之謂乎鬪山之陽民田久苦于山水乃令鑿渠經始于乙未年九月越三旬而工畢鬪山鄉民感公之德建碑需言用志不朽因推古今養民之異制而公之有是舉也故爲之記是亦邦人之志也夫

東平州志

卷之五

藝文

四十

梁氏世家志

論曰梁氏之傳其來遠矣宋以前世系無從深考至灝爲須城人少年及第子亦以詞科及第載在記錄不可誣也世傳八十二成名殆好事者爲之與至子孫世爲名臣相業彪炳後先之濟美實作述之重光寧僅以科名重乎作世家志

梁惟忠後唐明宗長興中舉進士仕至天平軍節度判官享年八十孫彖象灝皆登進士以曾孫適貴追封夏國公贈太師中書令

梁灝字太素鄆州須城人惟忠之孫也父文度早亡

鞠 於叔父少學於王禹偁禹偁大加器賞舉雍熙
初進士第一直史館改右司諫眞宗初詔羣臣言事
聽政箴以獻歷官知制誥判大理寺以河北饑
盜命與薛映分爲東西路巡檢使還拜右諫議大夫
充戶部使咸平元年與楊礪等同知貢舉時詔錢若
水重脩太祖實錄表灝叅其事又同脩起居注扈蹕
大名詔訪邊事灝上疏剴切累官翰林學士同知審
官院景德初權知開封府灝美風姿強力少疾閨門
雍睦與人交久而無改居官有吏才每進對詞辨明
敏眞宗嘉賞之凡羣臣上封事者悉付灝詳閱可否

東平州志

卷之五

藝文

四十一

所著有文集十五卷

梁固字仲堅灝之子幼有志節嘗著漢春秋灝器賞
之以灝遺蔭賜進士出身服闋詣登聞院讓前命大
中祥符元年舉服勤詞學科二年東封泰山還賜梁
固以下進士及第三年祭后土於汾陰賜張師德以
下進士及第固狀元灝子師德亦狀元去非子魏野
以詩賀曰封禪汾陰連歲榜狀元俱是狀元兒解褐
將作監丞同判密州就遷著作佐郎歸朝改著作郎
直史館賜緋歷戶部判官爲人氣調俊爽善與人交
疎財慷慨尚義氣明於吏道嘗詔鞠獄時稱平審天

禧大禮成奏頌甚工卒年三十三有集十卷
梁適字仲賢灝之子少孤嘗輯父遺文及所自著以
進眞宗曰梁灝有子矣授秘書省正字更舉進士知
淮陽軍尋召爲審刑詳議官梓州妖人白彥歡依鬼
神以詛殺人獄具以無傷讞適駁曰殺人以刃或可
拒而詛可拒乎是甚於刃也卒論死有烏似鶴集端
門稍下及庭中大臣或倡以爲瑞適曰此野鳥入宮
庭耳何瑞之云嘗與同院燕肅奏何次公案帝顧曰
次字似是漢時人字肅不能對適進曰蓋寬饒黃霸
皆字次公帝悅因詢適家世益器之改直史館脩起

東平州志

卷之五

藝文

四十二

居注奉使陝西與范仲淹條陳邊機十餘事進知制
誥歲餘出知兗州萊蕪冶鐵爲民病當役者率破產
以償適募人爲之自是民不憂冶戶而鐵歲溢慶曆
八年八月入爲翰林學士擢樞密副使皇祐三年十
月除張堯佐爲宣徽使一日除佐四使侍御史唐介
力爭之帝頗怒適曰臺諫論事職耳堯佐恩實過恐
非所以全之遂奪二使皇祐四年九月儂智高入寇
以爲憂智高移書行營求邕桂節度使帝將受其
適曰若爾則嶺表非朝廷有矣會狄青上表請行
爲宣撫使討之皇祐五年春正月狄青夜度

崑崙關大敗智高於邕州智高走大理廣南平捷至
帝喜曰向非梁適言南方安危未可知也遷叅知政
事契丹欲易國書稱南北朝適曰宋之爲宋受命於
天不可改也契丹亦其國名自古豈有無名之國哉
遂止進同中書門下平章事集賢殿大學士大璫王
守忠求爲節度使適持不可張貴妃治喪皇儀殿又
以爲不可將以適爲園陵使適言國朝以來無此制
由是寢與陳執中不合適曉暢法令臨事有膽量而
多挾智數不爲清議推許御史馬遵吳中復極論之
罷知鄭州夏人盜耕屈野河西田累年朝廷欲正封

界以適爲定國軍節度使知并州至則悉復侵地六
百里還領忠武昭德二鎮檢校太師復爲觀文殿大
學士以太子太保致仕進太傅卒贈司空謚曰莊肅
梁彥通字貫之適之子以廕補秘書省正字累勲上
柱國封保定縣男初在昭德有吳氏兄弟久異籍請
同居守難之彥通曰民知義可旌而不可沮竟如吳
氏請其家畫像祀之在澶州河決曹村召通專獄訟
取不聽命者一人繩治萬人悚慄堤遂成及刺邢州
契丹使王遵義來聘往勞之遵義曰太守不服金帶
是薄我不肯見彥通曰朝服不可改也竟不易服改

知華州歲凶斗米錢三百乃括倉粟平價坐府中親視糴老弱至者曰千人遂賴以安事聞方召入會以病卒

梁彥昌字得之適之子舉進士累遷通判德順軍郡守將闢第屬邑以材木獻彥昌曰是必取於民吾寧被譴豈希合以擾民哉卒拒之後守罷郡諸令皆得罪彥昌獨免時倉米數十萬紅朽不堪給軍食轉運使憂悸請以原價貸民彥昌曰倉吏失職宜正厥罪而後減直以貸之再任東平監馬政廢弛朝廷遣使馳視遂條十事以奏昌爲人篤實性不他嗜獨喜爲

東平州志

卷之五

藝文

四十四

詩有集十卷曰汶陽雜藁

梁彥深鄆州刺史

梁彥祖宣和三年任鄆州通判

梁子美字才甫彥昌子以恩補將仕郎歷直龍圖閣河北都運使宣和四年以疾罷爲開府儀同三司提舉嵩山崇福官子美爲郡縱侈然有幹材所至辦治云

梁燾字况之鄆州須城人以父任爲太廟齋郎舉進士中第編校秘閣書籍遷集賢校理通判明州檢詳樞密文字元豐時久阜上書言市易青苗法不便又

侍王中正將 疆 不以法壽爭之不得請
外出知宣州入 神宗 樞臣云卿不肯安職何也
對曰臣居官五年非敢不安職恐不勝任使故去耳
神宗曰王中正公賞文書何爲獨不可曰中正
僥覬臣不敢屈法以負陛下哲宗立爲右諫議大夫
有請宣仁后御文德殿服袞冕受冊者燾率同列諫
宣仁欣納文彥博議遣劉奉世使夏國御史張舜民
論其不當遣降通判虢州燾言御史持紀綱之官得
以犯顏正論况臣下過失安得畏忌不言今御史敢
言大臣者天下之公議大臣不快御史者一夫之私

東平州志

卷之五

藝文

四十五

心罪天下敢言之公議便一夫不快之私心非公朝
盛事也願還舜民以正國體章十上不聽元祐二年
朋黨論起有洛黨蜀黨朔黨之語朔黨以劉摯梁燾
王巖叟劉安世爲首熙豐用事之臣怨入骨髓元祐
五年秋八月召鄧潤甫爲學士承旨燾與諫議大夫
劉安世等交章論之不報燾等因力請外乃出燾知
潞州潞饑燾不待命發常平粟以賑民明年以左諫
議大夫召與劉安世交攻宰相蔡確且言方今忠於
確者多於忠朝廷之士敢爲奸言者多於敢正言之
人根株牽連爲害滋大確卒竄新州燾進御史中丞

權禮部尚書爲翰林學士元祐七年拜尚書左丞蔡京帥蜀燾曰元豐侍從可用者多惟京輕險貪悞不可用又夏人得四砦累遣以地界爲言詔二府議燾與同列不能合遂丐去爲資政殿學士知潁昌府紹聖元年改知鄆州竟以司馬黨復貶梁燾等官詔諭天下帝曰梁燾每起中正之論其開陳排擊皆出公議朕皆記之故燾止謫舒州靈仙觀提舉紹聖三年二月流梁燾於嶺南時侍御史來之邵言司馬光畔道逆理三省亦言呂大防等爲臣不忠罪與司馬光等乃貶燾雷州別駕紹聖四年十一月梁燾卒於化

東平州志

卷之五

藝文

四十六

州元狩元年三月錮燾子孫于嶺南元狩三年正月帝崩端王卽位三月詔求直言許劉摯梁燾等歸葬錄其子孫五月追復文彥博王珪司馬光呂公著呂大防劉摯梁燾等三十三人官燾謚忠肅

梁勛宋紹聖四年進士

梁安字以寧狀元灝之裔明宣德己酉舉人丰姿魁偉筮仕戶部主事累官廣平知府聽斷明允興學勸農境內大治有循良之稱焉

梁觀字廷賔安之子明正統丁卯舉人初任監察御史巡按陝西河南以言事左遷嘉善丞未幾詔復本

轉陝西按察副使控制要害懷徠 定陝人有
恃之戴焉

梁穀字仲用覲之子明正德丁卯舉人辛未進士初授吏部稽勲主事因奏曾藩之變降補壽州同知遷鄖陽通判轉太倉知州值洪洋海盜倡亂公勦平之巡撫李公充嗣特薦于朝尋以內難解官歸起復轉德府左長史王雅見禮重疏于朝加四品服色無何以疾終公美鬚髯倜儻不羈初遊陽明先生之門先生恒珍器之爲詩文雄渾綺麗所著有經書講意雜集數十卷

東平州志

卷之五

藝文

四十七

梁紹儒字存業嘉靖丁酉舉人辛丑進士初選翰林庶吉士授檢討公美姿容善持論早年掛冠遂寄興詩酒娛目林泉有古達賢之風焉

贊曰岱峯之野奎宿之躔挺生文獻輝映蟬聯科名濟美組綬象賢光前裕後越數百年尚繩祖武勿替引焉

鄉賢近川閻公傳

見張秋志

陝西提學道

王功成

博平人

余聞中都有閻公祀于鄉何祀乎禮曰法施于民則祀之以勞定國則祀之以捍大災則祀之此公之所祀也公之祀所以可傳也公諱光潛號近川前庚

成進士雖爲大理卿之猶子少負不羈獨甘清貧孝友勞謙勵志潔貞時以聖賢目之兩司民部議論紛而會計必當當日有鄴侯劉晏之譽績成遷永平太守政簡刑清麥秀再歌甫歲而恩綸褒錫潔清可以對孤竹而嘉績過之至備兵西安值山巖嘯聚民無寧岸當事者遜謝不違公安車就道諭以信義兵不血刃雲霧頓消蓋胸中甲兵人不敢欺真別利器于盤錯矣督撫上其功擢關內大叅方將佐方伯懋宏猷柰太恭人春秋高矣解組歸養方將以孝作忠計歷官五任悉著厥勲俸金之外無餘囊則趙忭之清

東平州志

卷之五

藝文

四十八

忠也其事親也躬奉饘粥不委婢妾則曾閔之純孝也分俸胞兄先兄後子則君陳之友于也是以子孫率多貧窶又揚關西之清白傳家也洵足頡頏前哲與漢之長公俎豆永長矣雖然公之積行有本也公遠祖自夏爲官邑宰商爲林令古吏長子孫皆世官尚微及周有功于民封以有闔之田遂娃 氏周宣王時水浸東土以救民功封男爵世享周祿秦失其爵爲編氓漢應賢良方正博學宏詞科者四唐以詩取士中三進士一學士宋文章益精有七才子五將臣延及元武職纍纍而文輕矣一故明專以文世其

家公之叔侄皆文宦顯公子廩彥早沒公孫爲大名士曾孫舉孝廉下而鳳毛繩繩矣傳公者安可不並其先後而傳之

宋中丞公傳

壽張縣知縣

陳璜

前鄖陽撫治右僉都御史中大夫東平州人也世居戴家鎮里陳子於順治己亥令壽良閱視河工至戴鎮睹眞武神宮赫奕輪奐詞諸里人知爲宋公所建因悉公之經濟大畧方想見其爲人嗣君諱國樞以甲午明經赴長安旋來出公所著書飲龍館集鹿遊子守城要覽相示之竟曰知公爲文武兼

東平州志

卷之五

藝文

四十九

資海

也越歲明經又以公之誌銘簡將傳諸

篇請爲公夫公固山左之高山景行也高山仰止景行行止安可不爲紀述以示來茲公諱祖舜字淑哲號鹿遊別號紫霜道士其先本楚大夫累葉居京兆宋季僑寓樂安元徙益都明自建業移家東平八世而產公生而岐嶷爲諸生冠其儕輩顧嗜道好遊足跡遍名山川凡二十載贈公督以應舉子試萬曆壬子中鄉試式丙辰成進士丁外艱歸服闋除戶部雲南司主事管驗糧廳監西三倉出納平允歷員外郎郎中遷淮陽太守通商惠民稱糧二千石擢陝西

兵使備兵固原改西寧道脩堡訓卒大著奠安之功
進本省叅政分守西寧涼洲道禦寇安民有功賜銀
幣以卓異薦命統閩廣援兵駐防天津進河南臬憲
繼授天津道爲忌者所中歸里值秦晉流寇勢張起
以岢嵐道固圉三晉陟鄖陽撫治勒兵會勦守衛陵
寢經理勞瘁未逾年解任歸杜門彌精廣成之道著
有金丹入藥叅註爲學道者要領崇禎乙卯卒於家
年六十有七嗣男五咸以文學明經世其家聲公治
在郡守功在邊疆其爲名公卿在人耳目間所最爲
當事所心折者崇禎三年在西涼時甘撫梅公長公

東平州志

卷之五

藝文

五十

提兵入援都城甘營兵安家無資至安定譟亂瓜分
隨營行糧六千金殺叅將於途圍撫院于蘭州西渡
河聲勢甚惡莊浪諸城皆晝閉撫院密馳書戒守涼
境涼之紳士堅以城守請公曰此非若之所知堅拒
則事債當延之入以解散之輒遣材官執牌往諭大
義使其來涼自首以開生路門者不得閉寓者不得
拒多備飲食粟草以待諸亂兵果徑至涼伏階哭懇
公曰爾殺將分金圍城罪不可赦但亂首王進表兄
弟已被誅於蘭州城下似足正法爾輩脇從所分行
糧銀仍還之官則死可逭也衆樂從還金五千入鞘

火器悉斂入庫差官領諸兵赴甘州歸伍而河西無
恙倉卒之間談笑而定大變公之膽智可謂絕人矣
少司馬翟公凌元子紀其事以入告且載入百將傳
中勒石以彰陳子曰慷慨經緯之才天下未嘗無也
國家多事需才亦孔亟也以宋中丞之才當明季艱
難之日僅以小試於邊方曾未大用再用撫治又不
竟其施謂之何哉嗟乎人才之廢興國事係之觀之
宋公不能不致嘆于當日也噫

李都司加遊擊傳

單民功

人

李朝賓字台輔東平人曾祖兵憲柘泉公祖商水夢

東平州志

卷之五

藝文

五十一

得公父居謙印野公也至朝賓生而魁梧器宇不凡
罄控則回策如贏決拾則舍矢如破慷慨談兵輒有
攬轡澄清之志時石度屯么膺蠢動掄才鎮守賓遂
以武庠應上命智殲渠魁餘孽潛遁撫臺題敘欽
逐以守府鎮東平焉繼而饑饉洊臻室如懸磬揭竿
而起者匪僅探丸伏莽也公以一身爲干城談笑指
麾旋奏敕寧撫臺嘉公之功推轂薦賢遂以副將管
左營事適鄒滕寇亂遠邇繹騷撫臺命檢閱四營統
兵掃蕩不閱月而羣兇授首嶧山之下鐫石頌德

興總河部院楊素稔公名

題留標下聽

號令一新旗幟改觀惟時簡精銳明賞罰前矛後勁
皆桓桓糾糾以待用而嶧寇復告警矣遂奉命征勦
一鼓盪平兩院彙奏捷音敘功在部遂 題授濟寧
旗鼓廳都司冰兢三載毫無染指一切餽遺皆却而
不受所謂不愛錢不惜死蓋兩兼之矣人莫不笑其
迂拙而終不以易其介也奉裁改授推補陝西寧夏
西協中營都司邊陲重地依若長城嚴守禦飭烽燧
事事有備總督嘉乃丕績褒賞疊至委攝本協副將
篆務七載以來廉能之稱形諸歌頌進陞廣東香山
左營遊擊長才偉畧展布有曰乃以積勞偶病遂掛

東平州志

卷之五

藝文

五十二

冠回籍闔營臥轍泣留者蓋數十里方且優游林下
頤養天和而沾河潤借末光座上客常滿也無何以
疾終知與不知遠近哀悼蓋公英毅豪俠出自天性
或耕難而解紛或周急而捍患行兵數十年未嘗燬
一廬舍擄一婦女私一財物勦撫所至全活者蓋數
十萬衆而東原之地被德尤深明末搶攘草野蜂起
自非倡義鼓衆奮不顧身亦烏能使耰鋤棘矜跣跣
科頭者保茲蕞爾室家無恙乎九原可作雖爲之執
鞭所欣慕也乃植德則不啻于公而食報則究同伯
有知無知天道誠未可問也列而誌之聊以銘刻

不忘云爾

竇孝子歌并序

宋祖舜 郡人

吾里有竇孝子名光遠固貧而農工者也其何克知有孝之意吾爲孝得之學問者什一得之天性者什九光遠未嘗學問豈非天性耶其父母蚤無子祇夔然立遠於晚歲又自孩多病父母憂之苦傭得錢數又以飼稍長孺慕切焉且知謹疾衛生以慰父母心及壯甚貧每號呼無以報親恩迺不憚力作和顏奉有古斑衣風父母相繼終顛天頓地泣血無從匍匐扶襯合葬於須昌之原居於墓側寢苦枕塊三年不

東平州志

卷之五

藝文

五十三

視妻子朝夕負土築壘積日巍然竟成高封其潛淚徘徊守塚無異於生雖霜天雪夜虎嘯寇聚亦所弗恤也閭里哀之嗚呼若光遠者其始其終其純孝也與哉君子論孝不於其名於其實自古純孝之子名湮滅者不可勝紀惟富貴之族與夫博聲者稱焉光遠素貧賤并不務名誰據其實以達之風憲風憲又何由得其名以奏之天子哉吾取其風於鄉或足暢吾懷聊以慰竇孝子云爾遂不覺而自歌曰太山高兮滄海茫茫毓爲完人兮炳炳其光寥寥須旬兮尚繼有虞之芳萬曆戊申首夏二日書

崇祀鄉賢龍欽解先生引

杜三策 郡人

余爲諸生時瞻拜先賢祀未嘗不肅然憫然景先賢之賢而並嘆聖王扶世之意之深且遠也蓋古者取士于鄉鄉評卽公評也自鄉舉里選之誼廢而古意荒矣其有近古者惟鄉之崇祀猶存三代之遺直焉士抱懿德幽潛必舉倘立身行已間微有外於名教則雖勢位之烜赫文章之炳煥亦不能奪公議而私之也是典也維世教而淑人心所關甚鉅求其誠心質行無愧斯典未有如吾鄉龍欽解先生者也先生于東平爲鼎族自嘉隆來以賢書起者項背相望無

東平州志

卷之五

藝文

五十四

不彬彬質有其文及服官受政又無不以清白吏顯者至先生聰穎絕人讀書時便以聖賢自期志蓋宏以遠矣卽其奉庭訓攻舉子業爇燈下帷每至丙夜世亦未有如其顯者至乙未成進士筮仕寧津其令寧津也日飲寧津數合水耳一切用度皆輦自家園於寧津無涉也其治左刑而右德而境內亦無飢法者鳴琴之暇日進諸士之雋異者而訓迪之而諸士亦蒸蒸丕變多名德焉爾時當事者擬以異等薦乃先生以艱歸矣丁兩大艱哀毀骨立至服除當補先生亦隨絕意仕進蓋捧檄之願畢而懸車之志堅矣

先生嘗病目又性不好遊翫凡山水之登臨

與夫時歲族黨之宴會一切謝絕獨扃一室如也卽病未嘗廢書一讀書遂忘其爲病目流覽終日不倦倦復令弟侄輩亶亶朗誦危坐以聽之至晚年學幾無所不窺大要主於翼聖統資身心耳不爲博也遇會心處輒自抄錄積久成帙名爲解頤云余與先生未獲數數獨從其弟侄輩游處最歡故知先生最悉先生具至性友愛諸昆季無不雍雍有禮居兩尊人喪寧津士紳百姓來會葬者哭盡旣復低迴不能去豈非甘棠遺愛終不可諼與家

東平州志

卷之五

藝文

五十五

居時有攜千金欲千其一字而不得其人乃嘆息而云者其松筠之操又何嚴一介凜四知也大都先生爲人清如止水未嘗垢俗以疵物和如春風時雨而人卒不敢干以私襟度之廣遠如山藏藪納口不言人過而臧否了然至其持義之正如深巖峭壁凜不越而善氣迎人又使人鄙吝潛消蓋天地英穎醇之氣厚鍾于先生而先生又有博奧之學沉潛之養以確錯之乃能冲而介自信以信人之如斯也生羽儀乎一代歿則俎豆於千秋亦足以見令德之報而後之繼而起者可以勸矣乃習先生者每恨

先生未竟其用與夫名位之未赫文采之未盡見于天下也又殊不然夫士必竟其用而後可則是威鳳祥麟反不如牛之服馬之駕之有利益于世也士必都盛位挾浮藻而後可則是張禹孔光可以入室而滌器之長卿投閣之子雲得以陪俎豆列宮墻也以此况彼將孰爲優乎夫士以科目奮者三年間踵相接也至若崇祀學宮二百餘年來寥寥幾人間有孝子慈孫欲徼之以光祖考榮後裔然行有遺議衆莫肯舉卽舉之亦或以衆口而廢嗟乎此非祀之難而直道之在人心者之不容泯也夫乃愈知先生之令

東平州志

卷之五

藝文

五十六

德也斯文不朽先生不朽矣

爲郭烈婦乞言引

戶科右
給事中

杜三策

郡人

烈婦郭氏者醫生武魁妻也魁北京人流寓東平提一藥囊作小兒醫無子無女無親識往來一夫一婦影相弔也魁雖寡人乎婦未嘗操井臼事居室閒靜不聞笑語卽隣居密邇若不知魁有妻者無何魁以疾死婦哭之慟括簪珥衣履類市一棺葬城外漏澤園長號歸來感動路人婦年約二十餘頗有姿里中人謀欲娶之婦歸寓躡踊頓狀若不欲生者鄰舍媪勸止之曰死無益也曰吾無孤可撫生何爲曰易

曰吾禽也乎哉吾嫁也曰曷歸乎曰吾
吾安歸惟有一死見吾夫於地下耳因以麻束髮衣
紉於裳裳紉於褲無寸膚露者偃臥土炕勺水粒米
不入口一媪破西瓜以進婦取一片瓢啖之以謝鄰
媪遂禁口不復開越七日死矣郡庠生解如桂李居
謙國子監生解如梓聞之悲且嘉其烈之罕也因市
一棺葬魁墓側復立一石以識之今二十餘年矣獨
此一片石翦翳於荒煙斷壠中耳誰有爲之表章者
余東平人也里有烈婦丹心已碧青史無傳伊誰之
責也今礪三尺碑謀置墓前敢告海內正人君子丐
題數字勒諸貞珉以旌其烈庶不枉彼一死乎且以
俟觀風者之採也謹啟

東平憲王傳

單民功

論曰炎漢分茅代歷千祀而賢名樂善載在簡編奕
世而下猶芬人齒頰焉則秉彝之好心有同然帶礪
有盡令名無疆也乃備稽而爲之傳

漢東平憲王光武第八子諱蒼少好經書有智思爲
人美鬚髯要帶八圍建武十五年封東平公十七年
進爵爲王光武建武中元二年二月帝崩太子莊卽
位是爲明帝甚愛重王夏四月以鄧禹爲太傅東平

王蒼爲驃騎將軍詔曰方今上無天子下無方伯若涉淵水而無舟楫夫萬乘至重而壯者慮輕實賴有德左右小子高密侯禹元功之首東平王蒼寬博有謀其以禹爲太傅蒼爲驃騎將軍蒼懇辭帝不許又詔驃騎將軍置長史掾史員四十人位在三公上蒼嘗薦西曹掾吳良帝曰薦賢助國宰相之職也蕭何舉韓信設壇而拜不復考試今以良爲議郎明帝永平三年以東郡之壽張須昌山陽之南平陽稟漢書作稟湖陵五縣益東平國是時中興三十餘年四方無虞蒼以天下化平宜修禮樂乃與公卿共議定南北郊

東平州志

卷之五

藝文

五十八

冕章車服制度及光武廟登歌八佾舞數帝每巡狩常留鎮侍衛皇太后永安四年車駕近出觀覽城第聞當校獵河內蒼上書諫帝卽還官蒼在朝數載多所隆益永平五年春二月蒼自以親王輔政聲望日隆意不自安累上疏辭位疏曰臣蒼疲駑特爲陛下慈恩覆護在家備教導之仁升朝蒙爵命之首制書褒美頌之四海舉負薪之才升君子之器凡匹夫一介尚不忘簞食之惠况臣居宰相之位同氣之親哉宜當暴骨膏野爲百僚先而愚頑之質加以痼疾誠羞負乘辱污輔將之位將被詩人三百赤 之刺今

方域晏然要荒無警將遵上德無爲之時也文官固可並省武職尤不宜建昔象封有庠不任以政誠由愛深不忍揚其過惡前事之不忘來事之師也自漢興以來宗室弟子無得在公卿位者惟陛下審覽虞帝優養母弟遵承舊典終卒厚恩乞上驃騎將軍印綬退就藩國願蒙恩憐辭甚懇切帝乃許蒼還國而不聽上將軍印綬以驃騎長史爲東平王太傅掾爲中大夫令史爲王家郎永平六年冬帝幸魯徵蒼從還京師明年皇太后崩旣葬蒼乃歸國永平十一年春正月蒼與諸王朝京師月餘還國帝臨送歸宮淒

東平州志

卷之五

藝文

五十九

然懷思乃遣使手詔賜東平王國中傳曰辭別之後獨坐不樂因就車歸伏軾而吟瞻望永懷實勞我心誦及采菽以增嘆息日者問東平王處家何等最樂王言爲善最樂其言甚大副是要腹矣今送列侯印十九枚諸王子年五歲以上能趨拜者皆令帶之帝嘗以所作光武本紀示蒼蒼因獻光武受命中興頌帝以其文典雅令校書郎賈逵爲之訓詁章帝卽位尊重恩禮踰於前世建初元年地震蒼上便宜其疏留中帝報書曰所上便宜三事朕親自覽讀反覆數周心開日明曠然發矇思惟 以次 行冀蒙

應彰報至德特賜王 五

爲原

武

陵 顯節陵

明帝葬

起縣邑蒼聞之遽上疏諫曰竊見

光武皇帝躬履儉約之行深覩始終之分勤勤懇懇以葬制爲言孝明皇帝大孝無違承奉遵行謙德之美於斯爲盛臣愚以爲園邑之興始自彊秦古者丘隴且不欲其著明豈况築郭邑建都郭哉上違先帝聖心下造無益之功虛費國用動搖百姓非所以致和氣祈豐年也陛下履有虞之至性追祖禰之深思臣蒼誠傷二帝純德之美不暢於無窮也帝乃止自是朝廷每有疑政輒驛使諮問蒼悉心以對皆見納

東平州志

卷之五

藝文

六十

用建初七年正月沛王輔與東平王蒼等來朝帝以諸王將入朝遣謁者賜貂裘食物珍果又使大鴻臚持節郊迎帝親自循行邸第豫設帷牀錢帛器物無不充備既至詔沛濟南東平中山王贊拜不名升殿乃拜上親答之每入宮輒以輦迎至省閣乃下上爲之興席改容皇后親拜於內皆鞠躬辭謝不自安上疏力辭帝省奏嘆息愈褒貴焉三月大鴻臚奏遣諸王歸國帝特留蒼賜以秘書列仙圖道術秘方至八月飲酎畢有司復奏遣蒼乃許之手詔賜蒼曰骨肉天性誠不以遠近爲親疎然數見顏色情重昔時念

王久勞思得還休欲署大鴻臚奏不忍下筆顧授小黃門中心戀戀惻然不能言於是車駕祖送流涕而訣復賜乘輿服御珍寶輿馬錢布以億萬計蒼還國疾病帝馳遣名醫小黃門侍疾使者冠蓋不絕於道又置驛馬千里傳問起居八年春正月王薨詔告中傳封上蒼自建武以來章奏及所作書記賦頌七言別字歌詩並集覽焉遣大鴻臚持節五官中郎將副監喪及將作使者凡六人令四姓小侯諸國王主悉會詣東平奔喪加賜鸞輅乘馬龍旂九旒虎賁百人以葬謚曰憲蒼立四十五年子懷王忠嗣乃分東平

國封忠弟尚爲任城王餘五人爲列侯章帝元和二年二月帝東巡三月至魯祀孔子遂至東平追念憲王謂其諸子曰思其人至其鄉其處在其人亡因泣下沾襟遂幸憲王陵祀以太牢親拜祠坐哭泣盡哀賜御劍于陵前初憲王之歸國也驃騎府吏丁牧周栩以王愛賢下士不忍去遂爲王家大夫數十年事祖及孫帝聞皆引見於前旣愍其淹滯且欲揚蒼德美卽擢爲議郎忠立十一年薨子孝王敞嗣立敞喪母至孝相國陳珍上其行狀至永寧元年鄧太后增邑五千戶敞立四十八年薨子頃王端嗣立四十七

年薨子凱嗣立四十一年魏受禪以爲崇德侯

憲王陵在東平城北崦山下凡九塚

贊曰天潢衍派錫珪剪桐功存屏翰績懋宸楓樂善不倦廣譽無窮恩賜優渥異數崇隆禋祀廟貌百代攸同

東平大小夏侯傳

單民功

論曰秦灰旣冷漢代尊經漆文蝌蚪與日星同炳焉雖歷世以來祖述蔡傳而分門授受大小夏侯之功亦未可泯也爰尚論而爲之傳

漢大小夏侯東平人大夏侯名勝字長公其先夏侯

東平州志

卷之五

藝文

六十一

都尉從濟南張生受尚書以傳族子始昌始昌通五經以齊詩尚書教授自董仲舒韓嬰卒後經學之士益寡武帝得始昌甚禮重之始昌明陰陽災變之先言栢梁臺災至期果驗爲昌邑王太傅以壽終始昌傳勝勝受尚書及洪範五行傳稱大夏侯勝善說禮服昭帝元平元年徵勝爲博士光祿大夫帝崩大將軍霍光承皇后詔迎昌邑王賀入卽位王淫戲無度光陰與張安世圖計欲廢之王出遊勝當乘輿前諫曰天久陰而不雨臣下有謀上者陛下出欲何之王怒縛勝屬吏光讓安世以爲洩語安世實不言乃

問 對言在 範傳曰皇之不極厥罰常陰時則下人有伐上者 察察言故云臣下有謀光安世大驚以此益重經術士既定議白太后詔曰可廢王歸昌邑光以太后省政宜知經術白令夏侯勝用尚書授太后遷勝長信少府賜爵關內侯秋七月迎武曾孫病已入卽位是爲宣皇帝本始元年二月夏詔曰孝武皇帝躬仁義厲威武德茂盛而廟樂未備反甚悼焉其與列侯二千石博士議於是羣臣皆曰宜如詔書夏侯勝獨曰武帝雖攘四譯廣土境之功然多殺士衆竭民財力奢泰無度天下虛耗至今

復無德澤於民不宜爲立廟樂公卿共難勝曰此詔書也勝曰詔書不可用也人臣之誼宜直言正論苟阿意順指議已出口雖死不悔於是丞相御史劾奏勝非議詔書毀先帝不道及丞相長史黃霸阿勝不舉劾俱下獄有司遂請尊武帝廟爲世宗廟盛德文始五行之樂巡狩所幸郡國皆立廟勝霸久繫霸欲從勝受尚書勝辭以死罪霸曰朝聞道夕死可矣勝賢其言遂授之繫再更冬講論不怠四年夏四月地震山崩二郡壞祖宗廟帝素服避殿詔問經學及舉賢良方正之士釋夏侯勝以爲諫議大

夫黃霸爲揚州刺史元康三年春三月封丙吉等爲列侯初武帝時衛太子納史良娣生子進號史皇孫皇孫納王夫人生子病已號皇曾孫生數月遭巫蠱事太子男女妻妾皆受害獨皇曾孫在亦坐收繫郡獄故廷尉監丙吉受詔治獄重哀皇曾孫無辜擇謹厚女徒胡組郭徵卿令乳養日再省視望氣者言長安獄中有天子氣武帝遣使者分條中都官詔獄者無輕重一切皆殺之夜到郡邸獄吉閉門不納曰他人無辜死者猶不可况親曾孫乎使者不得入遂以聞武帝亦寤曰天使之也因赦天下及卽位吉

東平州志

卷之五

藝文

六十四

爲人深厚不伐善絕口不道前恩會掖庭宮婢自陳嘗有阿保之功辭引使者丙吉知狀上親見問然後知吉有舊恩而終不言大賢之及臨當封病上憂其不起夏侯勝曰有陰德者必饗其樂今吉未獲報非死疾也果愈勝爲人質朴守正簡易無威儀或時謂上爲君誤相字於前上亦以是親近之嘗見上出道止語上聞而讓勝勝曰陛下所言善臣故揚之堯言布於天下至今見誦臣以爲可傳故傳耳朝廷每有大議上謂曰先生建正言無懲前事復爲長信少府遷太子太傅受 尚書諭語說賜 金百斤年九

十卒官賜冢塋葬平陵太后賜錢五百萬爲素服五日
以報師傅之恩儒者以爲榮始勝每講授常謂諸
生曰士病不明經術經術苟明其取青紫如俛拾地
芥耳學經不明不如歸耕子兼爲左曹太中大夫孫
堯至長信少府司農鴻臚曾孫蕃長樂少府勝同產
弟子賞爲梁內史內史子定國爲豫章太守

小夏侯名建字長卿勝從父子師事勝及歐陽高左
右采獲又從五經諸儒問與尚書相出入者牽引以
次章句具文飾貌勝非之曰建所謂章句小儒破碎
大道建亦非勝爲學疏畧難以應敵建卒自顓門名

東平州志

卷之五

藝文

六十五

經爲議郎博士至太子少傅子千秋亦以儒顯名仕
至少府太子少傅

宣帝甘露三年詔諸儒講五經同異上親稱制臨決
乃立大小夏侯尚書博士

贊曰秦鹿漢馬喙喙爭鳴家傳同異戶說紛更長信
少府鴻範五行宣揚孔壁羽翼伏生一經垂訓萬祀
榮名

遼州知州單公列傳

卜

鏡

進士

單刺史公用賔者字利甫別號望川先世棗強人也
明初遷居東平累世以忠厚相傳閱六代而生公其

王父捐館舍時公十五齡泣血營葬悉如成人禮奉
慈訓撫幼弟孝友真摯固天性然哉且抗懷磊落當
零仃孤苦之時已有誦法先民之志深下董幃率舅
氏孫大叅公之教唯謹於書無所不讀下筆千萬言
立就乃才大者不欲輕試年二十有三值學使校士
東平彙生童爲場各二題公立成四藝文衡擊節稱
快拔置諸生超等第三其花紅賞儀與諸生相鴈行
是科應試棘闈識者已覘爲遠到之器矣嗣是攻苦
益奮閱歲卽食廩餼又明年戊午公闈墨奇絕衆主
司傳閱公賞將掄元矣及填榜時公卷誤入何兵道

東平州志

卷之五

藝文

六十六

便衣袖中劉蕢數奇一時共爲脛腕或者天欲老其
材以大其用耶公歸不憫遇之不辰而咎學之未力
盡分家產讓兩弟獨以舌耕養母設科阿鄆門下士
借以成立者甚衆時州守安國貢公以道學名家聞
其風而高之申請學憲給扁獎勵公自是學愈富才
愈弘而養愈沉至萬曆癸酉登賢書年四十有二矣
雖南宮之選未捷而東山之望已隆謁銓部分符河
南唐縣令維時旱魃爲虐闔境皇皇公下車之日甘
霖霑足老稚歡呼此澤被蒼生之始也而且摘發若
神縣有李姓者以疑獄誣入大辟批駁數載不能決

于城隍廟清訊立得真情是李姓數年之益
朝雪釋其明斷又何如哉故蒞唐五載月映一
興學勸農吏畏民安雖單父琴河陽花不是過
也未幾循聲茂著撫按交章薦之特擢知遼州去唐
之日紳衿耆庶壅道環泣至竟日不得行昔稱借寇
而今再見臥轍矣獨是遼州係直隸無府轄掣肘之
煩既省撫字之勞得專刺遼載餘弊絕風清民之歌
召杜者猶夫唐也無何以謝病歸林泉悠游之日仍
如學道服官之年慎取與廣救濟創脩廟祠捐地以
供香火建置舟橋濟渡以便往來甚至獲搶麥之盜
而不窮追憐糶比之戶助之金貲卽陳太丘竇燕山
之厚風高誼何多讓焉宜其令德裕後誕及仲嗣存
堂公文章德業冠絕一時雖鴻漸未杼而絳帳風
已窺班豹矣而况桂茁蘭芽又英英秀發也余與公
幸同里社相知甚深故不揣謏陋爰摭實而述其槩
云

京山令蘆南趙公傳

廣平通判

房文龍

公諱鳴鸞號蘆南東平人也其先卜居州之豆山先
人多隱德而以詩禮世其家公幼而穎異與迺兄堯
瞻讀書山麓遞相師友 燈午夜屢益闡膏戶外事

曾未之問也公蓋有大志非以阡 了生平者時值
明季彈琴樂道有終焉之志及

國朝定鼎搜羅彥雋乙酉之歲令天下郡邑各於諸
生中拔其文行兼優者貢入太學有司及督學遂以
公名上矣時海內同事蓋千餘人伊時特典較閱難
慎交加禮吏二部再行覆試時丙戌之九月也天寒
日短午時入試申刻收卷經書二作風簷片刻公文
不加點筆不停穎皆余所目見者嗣而榜發與選者
僅一百三十二人吾克入闈者五十餘士止錄公及
余等七人而已後以

東平州志

卷之五

藝文

六十八

廷對上上授楚中安陸府之京山令安陸乃故明肅
宗龍潛之鄉其俗强悍狡詐夙稱難理又當流寇劫
盪之後子遺瘡痍撫恤旣難而伏莽餘孽在在蠢動
公惟以至誠遇之憶公與余論治京邸常曰我不擾
民則民自安我不爲民所擾則我天定其說蓋謂以
靜治動身先之化在刑賞未加之時者如此故其治
京廉退慈和非大事旬日可不用刑非賔祭竟月未
嘗肉食觀其居恒自矢曰我無善政以惠民安可剝
之以自肥貧士而宰百里業已過分安得戀戀患失
曠官之羞耶甫一載而告致奉身以退然非尊

菜鱸魚之思實其平日審慎克已不肯負身名以負
百姓負百姓以負

朝廷之意也在林下者十年課子問耕優游樂天雖
古有道何以加焉壽踰七十子若孫文望德行悉表
表鄉里間爲二東人士所取宗君子之澤其未有艾
云

故賜一品巡撫天津部院杜公傳門人王度

泰安州□□
□□□□部

杜公諱三策號毅齋別號槎仙世居兗之東平郡高
曾以來家傳忠厚考諱漢號廣甫里黨之間皆共推
爲長者以公貴贈兵科給事中世德淵源其來蓋已
遠矣公生而不凡書過日輒成誦年十六試即冠軍
癸卯登賢書旋丁內外艱哀毀骨立純孝蓋天性然
也天啟壬戌成進士讀書中秘因剛直散補兵垣是
時逆璫魏忠賢擅權亂政公憤不顧身疏叅魏忠賢
狐媚惑主朝廷之上止知有忠賢而不知有陛下宮
壺之內止知有忠賢而不知有陛下天下亦止知有

東平州志

卷之五

藝文

七十

忠賢而不知有陛下皇上孤立於上得不爲之寒心
乎哉臣知言出禍隨與其死於牖下使滿堂兒女呼
之不起何如死于杖下俾奕世之英傑聞之痛心疏
入留中不報時都憲楊璉叅忠賢二十四款公讀而
壯之璉後以羅織下獄公上疏中救有云臣自束髮
誦讀以來即以直諫爲已任使緘默不言是負已也
言之而匡救不力是負君也知楊璉下獄而顧畏不
言是負友也一身可□三負難甘語皆激烈慷慨灑
血瀝心至今讀之猶凜凜有生氣疏亦留中不報公
遂有乞身一疏奉旨削奪回藉斯時权璫煽虐忠義

被禍公力劾三䟽度非一削奪足以償其恨也傍
爲之惕息而公處之泰然越歲有逮及之旨緹騎已
至德州而熹宗上賔殆天意留公以佐英主也懷宗
嗣位誅奸旌直起公補戶垣旋奉命冊封琉球賜正
一品加蟒玉其陛辭䟽有云平生不下淚囚戀主而
泣下沾衣每飯不忘君寧辭朝而敢忘補袞忠愛之
心溢於言表至閩造船航海殫盡心力六日夜而達
琉球冊封事畢國王以三百金致謝公力辭不受曰
天朝懷服遠人全在義利之分以義徃而以利終可
乎百計強之終不受舟旋十四日始至閩地計自冊

東平州志

卷之五

藝文

七十一

封至抵家共五易寒暑去之日丰度凝秀歸之日鬚
髮盡皤矣琉球王復遣官賚金奏聞奉旨使臣不受
球金深得使臣之体姑不收以全其名差回歷陞
太常值懷宗謁廟躬贊大禮親睹天顏轉陞大理以
年勞擬推都憲公堅確不從推讓他人晉秋罔鄉爲
天下錢糧之藪公一介不取各省郡邑有入荐剡者
謝存之禮一概謝絕嗣後天津員缺爲南北咽喉之
重地九鄉會推文武全才堪勝其任公以年邁力辭
天子親行召對天語慰勞云老成詳無以踰作
速至津門修築營繕而城於是可

懸金習射而兵於是可用約已裕人勞心撫字而軍民始固結而無携二且知人善任而荐宋公之才畧多方曉諭而禁市井之游民凡未雨而徹桑土日中而戒衣裯安邊固圉之策無不周備故羽檄旁午烽燧交馳而津門固於苞桑也且時當難民南下飢寒瀕死公多方拯救全活者不可以數計撫津二載歲費不貲雖輦自立園毫無吝惜而自奉則甚儉去津之日舉操賞所餘歲俸所積尚有一萬九千餘金盡貯庫以備公費不私一錢也歸家行李蕭然惟圖書盈篋而已其剛介之操廉貞之守眞富貴不能易威

東平州志

卷之五

藝文

七十二

武不能屈質天日而泣鬼神始終不渝又如此 幸承不鄙佩服教益嘗計公之生平事親以孝報主以忠廉潔持身而義方教子友於同胞而義瞻族姓建立義學以加惠後進捐設義塚以葬掩貧寒表揚烈婦以勵末季之頽風優給鰥寡以恤犖獨之無告積善餘慶知天道之必不爽也奈東山之望方隆而桑榆之景已迫享年甫週甲子而三台星隕竟捐舍仙遊矣天耶人耶何奪公之遽耶闔州士庶公舉蒙恩崇祀鄉賢俎豆千秋榮名萬世不待表章而後著也然直道在人不容不表章謹綜其行誼而爲之傳

李將軍德垂百世碑記

郡人廖元發

公東原世胄也始自大兵憲柘泉公魁南宮而侍清華三陟烏臺立朝敢言有古大臣風舟傳夢得公首領鄉薦而潘花燦錦越三世而印野公出焉德茂泮水學冠羣倫鄉黨欽其雅度宗族服其光明是知蘊隆者其發必厚積善者而慶有餘四世果台輔公應也自總角時嗜弓矢悅馳騁恒以大丈夫安邦定國自命及歲有十八以射魁名始入武庠我東原之人觀其器宇非凡大志素負即知他日可爲朝家干城也且公常夢於披頭失足衣皂者論以兵法授以秘

東平州志

卷之五

藝文

七十三

訣在公雖有此夢未知其爲何說也踰年城東石度屯元兗胡倫等哨聚山林爲害甚大奉旨嚴緝顏撫君委鎮茲土其士卒無營房皆露居野處惟公宿北極廟中始悟昔日之夢應於今日公安之討之暗合孫吳智獲胡倫餘孽遁跡東方始受安定之績矣顏撫君題叙欽賞自此朝廷之上方知有公繼有李青山等聚賊數十萬安老營於河西合營困城忽而夜起黑風刀鎗皆有火星城上城下盡然僉以爲不祥而有恐色公獨坦然運籌次日統兵力戰賊大敗而退闔郡老幼始安 撫君聞公胸嫻韜鈴屢獲大捷

特取任爲腹心遂題以副將管左營事邊鄒滕土寇
楊三畏猖獗絕烟數百里震動山左住丘撫君俸撫
君深以爲慮命撫標四營付公檢閱公乃懸符握節
統兵萬餘掃蕩嶧山正值炎天人不解甲馬不卸鞍
親冒矢石血染甲冑未及兩月誅滅楊三畏羣兇星
散人民安堵如故彙報大捷欽賜蟒玉彼處有三戰
三捷碑建立即漢之衛霍晉之羊杜唐之郭李諸將
何多讓焉茲值

朝伊始公於順治元年赴總河楊呈繳關防劄付遂
留標下聽用本年九月內方撫君調征嶧山賊寇楊

東平州志

卷之五

藝文

七十四

原不晷月而悉爲蕩平流離者始得還鄉奔走者方
知有家最可惜者兇荒之後田野荒蕪滿目蓬蒿有
食草粒者有食樹皮者更有食人肉者因而土寇蜂
起賊首周魁軒等烏合數萬流毒四方截劫槍掠南
北不通而境內人民盡爲逃散郡侯關率我父老懇
公爲東原作保障公慨允是任訓練義勇馬不滿百
人不滿千先議保城之策次定平勦之計且常誡士
卒曰爾等生於期長於斯切不可擅入民房淫人妻
女動民間之一絲一粒如違者按以軍法衆皆仰體
縱有獲賊營妻女者公詢某處某姓放回本家得一

物者給之本人得一馬者賞之勁卒所以身經百戰所向無敵平定賊穴勢如破竹十一月蔡妳愍聚賊十數萬夜來困城公統兵力戰大獲全勝南橋東有戰捷碑建立二年五月二十五日徐小野等復聚賊十數萬困我城池城東亭子坡安營公於是日令守者自守伏者自伏匹馬隻身直衝賊營奮勇連誅數賊莫敢當鋒衆軍乘勢追殺尸屍徧野被傷者不知數焉自此軍聲大震賊胆益落矣總河楊䟽題勦賊大捷事撫院丁䟽題奏捷音事俱叙功在部壯哉我公保城池於無虞登人民於衽席闔郡食公之德戴

東平州志

卷之五

藝文

七十五

公之功何啻天高地深也八年金龍口衝決總河委任修築承命克贊數月間而力挽狂瀾總河加乃丕績十二年題濟寧旗鼓廳守備冰兢三載賠金數千人咸笑公之迂且拙我正服公之清且慎也奉裁改推十八年補寧夏西協中衛營都司荒邊是任凝若山立咲比河清嚴守禦勤訓練立營制肅隊伍允矣稱大將軍矣總督眷念殷切委攝本營副將篆務七載以來秋毫不循舊例蔬水俱出私囊儼若光弼之代子儀也康熙八年鶯遷廣東香山左營遊擊公之長村宏畧展布有時矣則李廣無雙我公其繩武乎

孰意水土未服九年致仕掛冠勇退愈於公者誰
十年仲春回籍季冬恙瘡十壹年孟春二十六日亥
時天降將星其大如斗火光滿天自西南而落東北
及地之時一星分爲三星魚貫而下我公行三正此
應也仲春初四日寅時告終我公功成名立壽屆古
希亦可無憾但我郡人未報萬一爲恨耳嗟嗟功德
在當年思慕在後世士也輟絃女也停織工賈行旅
輩亦莫不涕泣而載道誠可惜也伊可慕也我郡人
歷叙始末立石以誌不忘

題咏

之登高作賦遇物能銘識者每以此爲美談則知
題咏一事未可置焉不講也東原文人韻士頗多不
可勝載取其登臨紀述有關於人與地者各錄數首
至於四方之士遊覽邑境有所論著皆謹志之不敢
遺非侈觀美亦見文雅風騷古今所同也作題咏志
七言近體

東平送前縣李冢少府

高適 唐人

黃鳥翩翩楊柳垂春風送客使人悲怨別自驚千里
外論交却憶十年時雲開汶水孤帆遠路 山匹

東平州志

卷之五 藝文

七十七

馬遲此地從來可乘興留君不住益淒其

送李留後知鄆州

歐陽修 宋人

北地遺頌藹家聲東土還聞政有成組甲光寒園夜
帳絲旗風暖看春耕金釵墜鬢分行立玉塵談詩四
座傾富貴常情誰不羨愛君風韻有餘情

鄆州新堂對月

蘇軾 宋人

百尺豐堂汶水濱魯侯清燕此遮巡溪寒素礫偏宜
月壁潤黃金不受塵引客笙歌行處是賞心花水四
時新未應久作林泉主天子今思舊學臣

唐柳宗元哭亡友東平呂衡州

衡嶽新堆天杜峯士林顛賴泣相逢祇令文字傳青
簡不使功名上景鍾三畝空留懸磬室九原孰記若
堂封遙想荊州人物論几回中夜惜元龍

元郡人玉宥歸臨吟 宥東平人元初爲中書郎提
兵南下吉之 豐劉氏女爲宥兵所掠有殊色宥問
其父母兄弟姑舅或在即遣歸因作

歸臨吟

烈火都將玉石焚死生契濶憶中分信音一絕思青
鳥望眼雙穿見白雲殘口額鴿還有難北風鴻雁正
離群新詩送爾歸家去重續當年織錦文

東平州志

卷之五

藝文

七十八

明郡人牛諒夢張以寧詩

與學士張以寧奉使安南寧卒諒夜夢以寧作詩
悼之

出使艱虞萬里同歸期日日待春風寧知永訣蠻江
上才得相逢客夢中岸幘尙有頭似雪愀髯猶覺氣
如虹起來攬淚凭欄久落月啼痕遶殯宮

秋日東平道中一首

薛瑄

明人

齊魯西風草樹秋川原高下過東州道邊白鶴來華
表陌上蒼麟卧古丘九曲半應非禹迹三山何處是
仙洲經行俯仰成今 憶當年賦遠遊

送東平王內翰汝孝以副使兵備浙江大學士徐階明人

詞客南遊意氣豪左携斑管右烏號成家世試麒麟
像匡國人推虎豹韜校獵諸君紛奏凱授經多士繼
焚膏已傳文武才兼備青史无煩數鳳毛

送東平王內翰汝孝兵備浙江編脩唐順之明人

同時詞客不如君一劔還將靜海濱雞舌舊從香署
吏虎符新領伏波軍帆檣萬里翰蛟織樓閣三尺吐
蜃雲自笑馮郎將白首欲從幕下策奇勲

謁帝堯陵東平州同知袁思忠明人

放勲徂落三千載蘆葦山前見古丘四匝晴巒旋殿

東平州志 卷之五 藝文 七十九

遶一灣綠水抱村流望雲事葉依雲在孰日仁風與
日悠欲扣洪鍾无覓處蕭條異代不勝愁

九月登憲臺二首 梁紹儒明郡

城外虛梁傍古丘台前溪水可通舟踈雲淡日開新
霽臨水登山作勝遊飛盖旌旗紛夾道輕舸鼓角競
中流當年帝子今何在仰止高風意未休
時逢佳節此登臺闔郡衣冠共引杯天外秋聲隨鴈
至林間霽色傍人開登舟移席笙歌擁戲馬傳觴
角催莫謂登臨容易事十年纔得一重來

安山河上登千佛閣 劉爾牧明郡人

莊嚴寶閣枕河流龍象開成南部州金剝倒瀾波影
動天花穠接水光浮風塵迥出三千界雲氣如登十
二樓坐對孤煙發樹杪懸知暮磬度林丘

春至白佛山別墅

劉爾牧

明郡人

雞乳蠶眠隴麥匀生涯何謝上皇人近山雲起皆成
趣遶屋泉流別是春間禮玉毫觀法界遙登華頂摘
星辰拂衣長嘯忘歸路十里松蘿不染塵

遊清泉寺

吳應奎

明郡人

間來野步散塵襟乘興攀蘿向碧岑峭壁凌雲飛翠
藹長松浥露自陰森丹青奕奕開琳宇鐘磬飄飄雜

東平州志

卷之五

藝文

八十

梵音樽酒晉連忘去路西風鶴唳暮雲深

冬日重過清泉寺

李文芝

郡人

此日登臨煙霧開尋間不厭馬頻來松依香岫常留
鶴石潤清泉欲放梅舍利千年歸藏地芙蓉七級傍
山隈珠林寶塔空存想擬賦諸天愧末才

春日偕哲修鄭孝廉飲龍山

杜三策

明郡人

高軒過我亦悠哉正值春桃爛熳開名飲不妨兼雅
謔素交各自逞新裁偶將醉蝶供詩料故倩飛花勸
酒杯向晚移尊傾石伴松風竹韻一時來

憶台甫李公義勇

舉學正人

蕭鵬程

登進士

仰止高山汶水傍天風吹散意茫茫琴床冷歌音
歇劍氣不磨俠骨香胸注甲兵寧夏土威傳海鎮
潮陽羨君鑿鑿誰能比猿臂當年誇鴈行

登白佛山

學正 舉人 蕭鵬程 登進士

半山繫馬陟層巒奕奕金螺斗際攢俯視村城揮汗
雨下臨泉壑渡沙湍洞飛雲跡常流潤佛勒石形不
碍寬乘興徘徊幽靜裏幾忘身是散閑官

登龍山寺

學正 舉人 蕭鵬程 登進士

美盡東南第一峯河爲襟帶岱爲宗危樓傑構雲連
幕綠樹蔭森楷與松峭壁猶存梵子像隆中誰識武

東平州志

卷之五 藝文

八十一

侯容老僧爲我指名勝更有灣灣澗幾重

節婦詩

知東平州 事蜀中 李仕顛 明人

孤栢不甘掩野蒿笑將一命輕鴻毛滿腔熱血噴俗
眼一付貞肝答始醮堅節豈期収歲暮芳名早已薄
雲霄千秋難挽夕陽影留取丹心照晚曹

節婦詩

孝廉 陳嘉胤 明郡人

艱貞鍊就不磨身歲久今知有異人不怨灰寒脩七
箸肯隨落葉舞風塵枝頭當日飛紅雨潭碧千秋皎
月輪禮教流風茲未墮丈夫正氣與紅裙

咏隱逸趙思齊善行

孟其人 陽穀人

留得芳聲世世傳大東此日志名賢積行常念陰功
地爲善惟存最樂篇不盡孝思傳奕代一生心事對
青天如君表表誰堪似千載於今兩仲連

咏君賢趙思齊善孝

舉人 郭允升 濟寧人

汶水東來遶郡城偉人自古著芳聲祝天可做姬公
志讓產直追薛氏行散穀有心生命重卻金何意浮
雲輕趙君高義幾曾見盛譽已同汗史真

奉和劉堯麓金羸山絕句嚴韻二十首之三李文芝

郡人

自咲痴愚希聖賢君恩遙拜五雲邊于今夢破邯鄲
路學耕學稼別有天

東平州志

卷之五

藝文

八十二

吟瓢長掛野人家萬種清香散曉霞明月一聲鶴淚
迥無端清夢遶梅花
漑月犁雲愛好山耽幽盡日掩柴關昔年誤泛張騫
木留得虛名溝世間

甲午春奉勅討賊過黑石嶺

李文芝 郡人

翠嶂晴霞映堡樓風塵千里思悠悠狐城歸馬斜陽
晚仕路翻雲蒼蔚稠劍氣十年今欲試勳名四海更
何求匆匆未厭凌空思憑御還來一再遊

輓寧州刺史趙堯瞻

廣平通判 房文龍 汶上人

泥陽城下萬聲鼓爭赴東平趙老祠白叟喧傳賣劍

事黃童共唱晉錢詩鴻歸萬里人安在虎渡千羣夢
有知安定巖前幾株竹當年掛孝說枝枝

重謁帝堯陵

趙嵐 郡人

蘆崖山半一高壟云是平陽帝子封丹翰參差苔掩
蚪綠陰歷亂樹如龍青青疊拱千巖翠蕩蕩遙臨萬
岫澁雲日于今猶瞻仰頓忘身際在熙雍

一七言歌行古體

唐張籍節婦吟寄東平 司空

君知妾有夫贈妾雙明珠感君纏綿意繫在紅羅襦
妾家高樓蓮花起良人執戰明光裏知君用心如口

東平州志

卷之五 藝文

八十三

月事夫誓擬同生死還君明珠雙淚垂恨不相逢未
嫁時

宋黃庭堅過故人東平侯趙景珍墓

朱顏苦留不肯住白髮政爾欺得人嬋娟去家誰家
妾意氣都成一聚塵今日牛羊上丘壟當時近前左
右噴花開鳥啼荆棘裡誰與平章作好春

明寶應朱應登東平築隄行

築隄路築何苦路傍切切多私語連朝霖潦三尺深
水叅黃蘆不收杵工程浩大人力繁鋤畚如雲汗加
雨可憐民命真草菅不博隄邊一龍 作 官

壯丁鷄驚犬吠家不寧
幼兒十五髮覆額
勉強裹頭來應役
日旰惟愁築未成
舖時豈念飢無食
東阿以南山盤曲
行人至此登平陸
兩京官府日日過
皇華節鉞遙相屬
君不見陰山月黑
鬼燐紅秦人半死
長城中但願天王
聖明道里通不辭
辛苦築隄功

節婦吟

雲尾
山人
樵 王命新 明人

寒食午夜寒風烈
枯楊枝帶杜鵑血
武孃貞骨香雲生
蜺幢恍惚聞嗚咽
當日夫君死藥市
哭聲振裂萬人肺
抔土墳成漏澤園
拜結雲鬢矢永
裙襟縫聯
堅如織縫時盡爲
紅淚濕停針已逐
夫君遊微息奄奄

東平州志

卷之五

藝文

八十四

猶七日國人感嘆聲
不絕擗棺葬之使同
穴天容慘慘愁雲
黑空罩片石紀年月

一七言絕句

唐李白寄裴鄆州

烏紗靈壽對秋風
悵望浮雲濟水東
宮樹陰陰鈴閣暮
州人轉憶白頭翁

唐柳宗元段九秀才處見亡友呂衡州書迹詩

交侶平生義最親
衡陽往事似分身
袖中忽見三行字
拭淚相看是故人

宋江夏黃度登鄆州新堂詩

有序

古鄆州有谿堂興州皆廢其地去今治所十五里好事者迹其名爲之韓公詩石存焉

仁智將來取象新登臨宜入古圖身細看韓老詩中景樹色泉聲似故人

明劉爾牧登金螺山絕句二首

龍象何年鑿半峯天花七寶削芙蓉塵飛世界三千丈玉立煙霞第一重

掃石幽巖坐碧苔盪胷雲氣劃爭迴三盃奏罷遊仙曲長嘯一聲天地開

一五言古體

東平州志

卷之五

藝文

八十五

唐高適東平路中大水一首

天灾自古昔昏墊彌今秋霖霖溢川原瀕洞涵田疇指塗適汶陽掛席經蘆洲永望齊魯郊白雲何悠悠傍沿鉅野澤大水縱橫流蟲蛇擁獨樹麋鹿奔行舟稼穡隨波瀾西成不可求室居相枕籍鼃黽聲啾啾乃憐穴蟻漂益羨雲會遊農夫無倚著野老生殷憂聖主當深仁廟堂運良籌倉廩終爾給田租應罷收我心何鬱陶征旅亦悲愁縱怀濟時策誰肯論吾謀

唐高適東平路作

南圖適不就東走豈吾心索索涼風動行行秋水深

蟬鳴木葉落茲夕更秋霖

盛時好畫策動欲干王公今日無成事依依親老農
扁舟向何處吾愛汶陽中

清曠涼夜月徘徊孤客舟渺然風波上獨夢前秋秋
至今復搖落空令行者愁

宋歐陽修樂郊詩

樂郊何所樂所樂從公遊三日公不出其民蹙然愁
一聞車馬音從者如雲浮吾聞鄆之人無乃失業不
云惟安其業然後樂其休樂郊何所有胡不考公詩
有山在其東有水出逶迤有臺以臨望有沼以游嬉

東平州志

卷之五

藝文

八十六

仰俯迷上下朱欄映清池草木非一重青紅隨四時
其餘雖瑣屑處置各有宜樂郊何以名吾爲本其意
自古賢哲人所存非一世當時偶然迹來者因不廢
鄆非公久晉公去民孰賴此亭公所登此樹公所憩
俾民百年思豈取一日醉

宋蘇鄆州新堂夜月

去歲遊新堂春風雪消後池中半篙水池上千尺柳
佳人如桃李蝴蝶入衫袖山川今何許疆界已分宿
歲月不可思駛若船放流繁華真一夢寂寞兩榮朽
惟有當時月依然照杯酒應怜舡上人坐隱不知陋

宋文天祥自汶陽至鄆

渺渺中原道勞生歎百非風雨吹打人泥濘飛上衣
日力去天短心事與時違夫子昔相魯侵疆自齊歸
明南海黃哲東平謂堯祠一首

初政禮群秩晨趨鄆陰郭稽古詢道源放勳久徂落
齋宮委華稅黼宸銷丹堊庭榛雉雉升裳薛宗爨剥
惟馨思可薦廢墜予猶怍緬言垂衣時東狩茲方岳
儀像儼欽明聲容被綿邈茅茨遵曩儉堦奠博舊朔
遺澤紛在斯今皇仰先覺亦播康衢謠紹爾雍熙樂
明南楚廖道南發東平詩

東平州志

卷之五

藝文

八十七

粵從神禹聖濬川防冀州碣石鎮瀛島峩峩鬱蛟虬
東原既底平百川皆東流海若鼓飛瀾川后時出遊
世邈古道湮滄桑復誰謀前元創運道鑿渠引龍湫
移山奔巨靈填海潁陽侯明興御天軌百神翕懷柔
漕輓聯巨艦不必勞車牛祇役泊茲土日夕煙光浮
津吏侯沙渚蕭鼓下中流逖哉籍寵靈良士彌休休
明長洲皇甫冲行安山道一首

泊舟安山北忽見山南船銜尾若魚麗鉦鼓紛喧闐
樓櫓樹干盾笮箬插戈鋌瑠弓赤羽箭朱旗當檣懸
長年盡紅巾 額絳絲纏言與群盜鬪僅不爲摧殘

請看身上創衣血何新鮮聞之不敢進倚棹生憂煎
載聞持節使提兵邏河塿 重聚獲者無倖全
哀此封中詆棄擲潢池間雖云飢寒故信也誰爲宣
懷保道不足政刃皆深淵服妖古所畏涓涓乃滔天
巢角鑿不顯此理度可研

一五言近體

唐李白送梁四歸東平

玉壺挈美酒送別強爲歡大火南星見長郊北路難
殷王期負鼎渭水起垂竿莫學山東卧參差老謝安
唐岑參送天平何丞入京市馬

東平州志

卷之五

藝文

八十八

閔樹曉蒼蒼長安近夕陽回風醒別酒細雨濕行裝
習戰邊塵黑防秋塞草黃知君市駿馬不是學燕王
唐韓愈贈馬尙書再領鄆州

東朝當路日承詔改官時再領須句國仍遷少昊司
暖風抽夜麥清雨捲歸旗賴寄新珠玉長吟慰我思
宋范仲淹拜堯祠

千古如天日巍巍與善功禹終平涿水舜亦致薰風
江海生靈外乾坤揖讓中鄉人不知此簫鼓謝年豐
宋文天祥東平館一首

憔悴江南客蕭條古鄆州雨聲連五日月色徹中流

萬里山河夢千年宇宙愁欲鞭劉豫骨煙草暗

明徐階夜行安山道中一首

木落山蕭蕭殘燈照寂寥病驚時日暮愁厭客途遙
急澗聽逾響荒村語不囂明月如有意深夜伴歸橈
明郡人李文芝過清泉寺

小寺披雲卧禪堂倚嶂懸泉甘真似醴僧老不知年
幽鳥啼春晝山猿嘯石巔匆匆雲外客耽辟自忘還
明郡人田大有遊龍山四首

夙抱烟霞興尋真作壯遊凌虛登絕巘縱目俯平疇
水遶金鱗躍林深石洞幽恍然遊物外那復羨丹丘

東平州志

卷之五

藝文

八十九

地僻宜龍卧稱名自古今慚予負俗累籍此披煩襟
樹影榻前見鐘聲雲外沉隆中應比勝梁甫定誰吟
信美憐吾上峯巒四望遙山靈應自待惠遠故相招
古樹巢鶯鶴喧歌起牧樵松風仍澹發疑是奏簫韶
梵宇何年起禪堂山半開冥心詢靜定窮探叩 廻
頓悟三車旨尋令萬慮灰徧徠不忍去趺坐印莓苔
奉勅西征雲中居庸早發

李文芝

郡人

鬢鬣愁雲合崎嶇石徑難賊兵猶據險客怒欲衝冠
暗水鳴琴峽征旗擁漢官致身屬此地試聽報平安

夜雪獨酌

李文芝

郡人

坐深殘畫燭雪急入簾櫳駉馬十年夢忘羊一笑中
白頭慚我老清興有誰同把酒還堪恨閭閻處處窮

塔井道中

時香客佛聲滿路

李文芝

郡人

茅店三家市山嵐四望同緇塵民譚俗佛寂道還崇
雲深愁多雨冬寒故多風百年清夢遠息馬嘆迷窮

蓆橋有感

李文芝

郡人

龍駕千年遠蓆橋久著名玉書隨世沒荒渚幾時平
畏虎愁多是哀猿我自驚冥冥雲水闊身世一浮萍
唐高適東平旅遊奉贈薛太守二十四韻

頌美馳千古欽賢仰大猷晉公標逸氣汾水注長流

東平州志

卷之五

藝文

九十

神與公忠節天生將相儔青雲本自負赤縣獨推尤
御史風逾勁卽官草屢修鴛鸞粉署起鷹隼栢臺秋
出入交三事飛鳴揖五侯軍書陳上策廷議借前籌
肅肅趨朝列讎讎引帝求一麾俄出守千里再分憂
不改任棠水仍傳晏子裘歌謠隨舉扇旌旆遂鳴騶
郡國長河遶川原大野幽地連堯泰嶽山向禹青州
汶上春帆渡秦亭晚日愁遺墟當少昊懸泉逼奎婁
卽此逢清鑒終然喜暗投明承解榻禮更得問縑遊
高興陪登陟嘉言忝獻酬觀棊知戰勝探象會冥搜
眺聽情何限冲融惠勿休祗應齊語默寧肯問沉浮

然諾長懷季栖遲輒累丘平生感知已方寸豈悠悠
宋曾鞏寄鄆州邵資政詩

鉛華讐書客朱幡守土臣素餐方側席黃髮已侵巾
喜看山圍郭仍憐水滿津清革閑耳目蕭洒長精神
秀色秋來重寒聲雨後新宿雲依戶牖流月過松筠
北圃分殊境西湖斷俗塵渚花紅四出沙鳥翠相新
芟老含珠寶魚驚躍錦鱗飛梁凌窅眇虛榭壓齋淪
嶺對橫修竹洲分抱白蘋靜宜人事拙閒覺道腴眞
噐小難周物官微幸庇身簿書偷暇日杖屨想幽人
泝險飛遊艇探竒漾釣緡形縻甘鶴怨心泰得鷗馴

東平州志

卷之五

藝文

九十一

督府恩容仄芳箋侯訊頻門庭嚴衛戟尊俎從華紳
却起烟霞興還思水石鄰自嗤田父樂那可荐鴻鈞
明薛瑄曉出東平十韻

憲節凌秋發城門逼曉開溝長流水去野曠遠風來
跋馬橋頻度看山客屢回川原行未已齊魯望悠哉
漢檢天門石秦碑海岸台曠煙橫曲阜旭日上蓬萊
遺蹟懷前古觀風慰好懷衢樽傾共飲井稅不煩催
每見桑麻野深期杞梓材行歌方自得前陟更崔嵬
明郡人劉爾牧上朱司空治河功成二十四韻

閔開幕府滄水降神仙六典司空位西臺副相

商霖求說日禹鑿拱堯天壺口功初載宣房福又綿
飛梁臨甬道曲岸繞平川砥柱中流定梯航萬里遄
河圖從古出休風至今懸回首觀風地還思問俗年
具瞻留斧鉞遺澤表桑田邑祀欒公社人歌召伯篇
才難堪自負治最曠無前身注安危切材兼文武全
綸扉虛左待華袞望喬遷幸以孤生後叨承國士先
新詩來驛路芳訊到林泉筆走龍蛇動詞裁珠玉聯
希聲端在此雅況不徒然藻鑑通幽魄巖棲感晝昏
嫖修長獨徃蹙步竟誰憐宇宙窮途盡冰霜晚歲堅
無因假羽翼何處謝陶甄願服鹽車下群空受玉鞭

岱桃雄據于東北安梁角峙于西南北有鳳諸山
東有汶泗衆水南接濟鄆之境西襟會通之河禦暴
有巖洞寨堡之險足民有陂池湖泊之利誠兩京之
要衝一方之重鎮郡有十景附列于左

十景詩

郡人田大有賦

危嶺釀霖群峯北望并龍從東去危山勢轉崇奕奕
金螺渾似盡紛紛佛像欲凌空脉連岱岳
千年奠澤散甘霖萬井同地僻
尤堪恣賞眺風光那復羨壺蓬
龍山疊翠峰巒疊起初嶙峋盤據東南遠市闐丹碧
輝煌餘古刹支流環帶漾洪津洗心信可
削塵累逸性還堪覓道眞霖雨
蒼生望更切卧龍應復屬何人

東平州志

卷之五 藝文

九十三

壇杏飄香崇壇築創里凝塵紅似觀尼宣宮墻便注目
渾如臨闕凝神仍似觀尼宣宮墻便注目
高堪並禮樂三升藉此傳多少
青衿同仰止允須是覓眞詮
蘆泉噴玉堯陵東眺接風烟尤可潤龜田百年菰稷
每堯陵翻玉浪乘流尤可潤龜田百年菰稷
追朋侶一待囂聲代濯盡意悠然
不常眞有一待囂聲代濯盡意悠然
堯陵廟貌當一中允執德何陵此地寄裘弓瞻依每自落
當一中允執德何陵此地寄裘弓瞻依每自落
羹墻見祀享言觀廟宇崇薦罷
瓣香增悵望蕭蕭庭樹響西風
冉墓明禋當年德馬鬣巍廟宇矣斯人鶴駕遙寂寂
當年德馬鬣巍廟宇矣矣斯人鶴駕遙寂寂
光前代祀典優崇荷深鎖篆香飄此
日戟門重展謁白雲深鎖篆香飄此
西廓錦蓮策杖尋芳到鏡池喜從水面購奇姿紅英
日策杖尋芳到鏡池喜從水面購奇姿紅英
晴粉後巫山神女雨雲時何當
喚起凌波步漱女亭前侑酒

隄城秋水
秋水盈隄日正晴曉風吹送彩舫輕青山

勝餘景宜行樂擊楫何湏效祖生

漕河飛挽
長河漫擬蓬瀛光彩映平湖太清萬里

遊魚躍濯羽呼群白鷺鳴我亦

憲塚晴波
樂善娉循壘漠京迄煌煌今千載尚馳聲寢園

咽停獨有陵前水入耳臨風幾愴情

東平州志

卷之五 藝文

勝地志

惟岱岳之綿亘遠列翠屏俯汶水之環流近同木帶
雖滄桑之多變觀山河之不移遵前哲以爲景行覓
泉石以恣遊眺爰有八景各賦七言作勝地志

東原八景

薛爾賔

龍山聖井

石井泉源未可尋澄開佛域泛高岑曾傳尺水千人
汲能抵泓潭百丈深大地玉巖無虎嘯諸天金闕右
龍吟更兼雲樹燦如錦欲借登臨一息心

稻浦荷香

前人

東平州志

卷之五

藝文

九十五

蒹葭一片水雲鄉柳拂沙堤荷滿塘鶯度綠陰歌婉
轉魚吹碧浪戲悠揚收穫時節開場圃含哺人家足
稻梁我欲就中營別野閑觀鷗鷺咏滄浪

危峰雲洞

前人

獨向青方聳一峰嵐光紫氣映芙蓉潭澄夜靜龍吟
月葉戟秋高鶴唳松洞口雲飛知雨至山頭霧捲應
雲從曾經旱魃凌危頂移石作霖慰夏農

堯陵攬勝

前人

徑轉峰迴嶺樹橫兩山相鬪拱龍城帝陵自古鍾靈
異御殿歷朝遣祀誠環列翠屏瞻秀氣曲縈碧澗寫

聲洋洋一派平潮水曾傍石欄暫濯纓

黃石懸堦

黃石却疑鬼斧刪千尋壁立費躋拔凌空古洞安丹
灶蔭谷蒼松響碧灣一線遙流塩壑水層岩近接穀
城山擬離窰海超塵劫來伴黃冠學閉關

城堤秋水

菰蓼蒹葭一望賒深流秋水浸城斜漁人泛泛爭張
網燕子飛飛故蹴花聊涉獨橋詢道院漫搖小艇過
田家同人載得尋芳酒坐玩碧波浴晚鷗

崑巖瀑雪

東平州志

卷之五

藝文

九十六

曾上崑山到絕巔月巖寺裡湧竒泉何年鬼斧開奇
蹟此日蹄涔自古傳石礮突噴翻雪浪碣陰細響
冰絃上方堪借老僧搨樹掛斜暉又着鞭

惠河帆影

衆河分劈一河流萬國貢艘赴帝州彩鷁過時移岸
樹征帆落處起汀鷗煙帆暮色雲中靄檣映夕陽柳
外樓把酒閒看漁下網輕搖舴艋過灘頭

行優庠生郡人李各世詳閱

隱逸趙君賢八志

蕭鵬程

家起東州奕葉光
惟君不媿古人良
刻行孝友傳家
遠喜讀詩書被澤
長綠野白雲許我
逸余門玉署任
人忙只今汶水悠
悠去剩有聲名不
可忘

味隱逸趙君賢

鄭昌祚

東州賢者老清貧
共道鹿門隱逸人
揮塵談時衆欲
醉扶筇到處座生
春口碑載美百年
舊汗竹風香一
日新應使傳聞傾
盛德遙思梁趙景
芳鄰

趙隱君思齊善孝

安敬

伊人隱跡東平陰
奕奕風流傳至今
意氣春光靄綠

東平州志

卷之六

藝文

九十七

野高懷秋露澹蒼
岑曾將樵育存孤
子不棄貞廉私
百金好教門庭容
駟馬于公後代多
纓簪

味趙君賢高隱

倪兆祥

爲善於公只性情
何心留作他年名
殷勤刻木悲生
淚激切焚香代死
誠城曲老人傳勝
事鄉村稚子稔
賢聲國家風教有
時盡遺德猶堪百
世貞

味隱君子趙君賢

劉洙源

姍姍逸步迥塵埃
餘韻流風久未灰
水際文鳶堪作
友雲間孤鶴應爲
媒萬川月色疑棗
座三徑花香近
臺回首當年空眺
望漫將杖屐共徘徊

隱逸君賢趙君傳

工部主事郡人廖元

趙君諱思齊字君賢東平世族也始祖諱恭配楊氏世家鳳陽之蒙城元授安豐路鎮撫奉朝請率三萬人擊牙山沒於陣一子諱彥和遂家于東平明洪武授湖廣靖州巡檢卒於官長子麟留居東平次子三子家於靖工部尚書諱文華徙浙裔也麟敏達過人精水利之學會工部尚書宋公禮都察院都御史黃公友昇奉命開惠通河辟麟爲之總理河工底績繼以賢良方正聞累徵不就抱道自樂隱居冉子祠前墾田萬餘畝殷富甲于一郡生子十人曰堅曰珪曰

東平州志

卷之五

藝文

九十八

瑤曰莊曰瓊曰璫曰琨曰珣曰琰曰玉次子珪正統辛酉登賢書任陝西興平知縣餘皆博士弟子員暨雜職珪侄遠字子重弘治己酉中鄉試與虛齋蔡公清無錫邵公寶講學東南邃於經義通達世務如籌河防寇諸事載在州志遠之兄暹却金肆百不受山海商賂見安平志弟遜長子乾夫俱以明經授職侄承祐字遐福正德庚午膺鄉薦遠次子元夫字大之嘉靖己丑登進士第歷任御史累遷至太僕卿爲人沉潛剛直朝臣多憚之及解官歸閉門却掃足跡不庭志稱爲獨行之士信然元夫弟夫字聚之

辛卯中京闈鄉試一時名士如王中丞汝孝

諫垣大有輩多游其門有碑記見州志萃夫從兄師
曾州庠生也病卒妻鞏氏縊於柩傍共棺而葬奉直
大夫知州胡松作傳知州侯俸申請於朝奉命旌表
知州貢安國給祭田州志碑文在在可考一門人文
事業忠臣義士貞婦烈女燦然簡冊與狀元梁氏苗
裔前後同朝郡中競目爲梁趙二家云厥後本支益
蕃戶計以千畝計數萬人敦詩禮家尚淳龐元夫從
侄諱思齊天賦孝友稟性廉慈終其身手不釋卷愛
物利人排難解紛尊賢敬士有古君子風齊曾祖諱

東平州志

卷之五

藝文

九十九

珣祖諱鉉父諱守剛襁褓時父以痢卒母董氏撫育
成人齊每食必供父神主前事死如生萬曆乙巳母
病齊焚香祝天求代母病尋愈且刑于家人妻胡氏
克盡婦道並以孝聞及弱冠與兩兄思金思賡析產
齊悉讓美田宅與兄而自取其薄者次兄思賡蚤歿
妻董氏他適遺子律甫十月齊朝夕懷抱口哺至婚
娶立子始異爨從侄慶徵鬻產得三百金懼爲盜侵
寄齊代收暨交還之日與前數一一不爽外親匠役
唐德積金二百餘兩病噎一子痴欲以此銀贈齊求
子齊以其傷廉弗受鄉親何守仁守禮兄弟

數年不息齊以手足至情勸之因畫田氏紫荆
以贈何氏和好終身族侄可用家貲巨富無嗣諸侄
孫爭產成訟齊詣公堂力爲剖決其訟始平萬曆乙
卯大饑齊僱饑者與之食鑿井灌穀幾十畝谷熟令
飢者自取食之賴以全活者甚衆崇禎辛巳又饑齊
収養無主馮小七等年豐遣之歸萬曆乙卯多盜夜
半有叩齊門者齊曰吾無一念不可對天知對人言
何驚乎啓戶乃胡內親請議 事也諸九立里塾以
育人才絕巫尼以肅閨門給粟蔴以化橫逆少置田
以安子孫善蹟多端今其軼事已久被德者猶感泣

東平州志

卷之五

藝文

一百

不忘孝廉鮮如楷以詩贈之曰三翁盛德與仙同不
假矯揉自性成造物有心福善類應教代代子孫榮
子嵐府庠廩生博學力行著述甚富有四書淺說解
詩經提綱雲岢集藏于家山左人士咸推重之積德
之報固未有艾也齊生于隆慶庚午十一月四日巳
時卒于崇禎辛巳四月四日巳時年七十二終墓在
城西北十五里塩河西有詩傳碑記 廖元發曰以
余觀于君賢趙君起家世族第科接踵非一世矣獨
能敦倫恤幼廉潔自守與物好施讀書樂道所謂有

人者非耶